


UTL AT DOWNSVIEW



D RANGE BAY SHLF POS ITEM C
39 10 10 06 03 009 3

DR
587
H5

cp 8 11.66
Hilmi, İbrahim
Bālkān harbinde neden
münhezim olduk

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

۲۰
۲
بالقان حربنده

نقد و مباحثه اولاد

محرری :

۱


طابع و ناشری :

تجار زاده : ابراهيم حلمی

استانبول

کتابخانه اسلام و عسکری

۶ : — باب عالی جاده سی — ۴۶



Hilmi, Ibrahim

بالقان حربنده

نقد و بررسی از اولاد

Balkan harbinde
reden ^{محرری} nünherim
olduk. ۱

طابع و ناشری :

تجارزاده : ابراهیم حلمی

استانبول

کتابخانه اسلام و عسکری


۴۶ — باب عالی جاده سی — ۴۶

DR
587
H5

کتابخانه اسلام و عسکری

تجارزاده : ابراهیم حلمی

۴۶ — باب عالی جاده سی — ۴۶



1083462

آرتین آصادوریان و مخدوملری مطبعه سی

مقدمه

— « درد لر ، دوالر » محررینه تحفه —

شو رساله بر تاریخ حرب دکلدر؛ آنجق هرکسه اسباب انهنزاعمری
عمومی بر صورتده تشریح ایتک ایچون یازیلشدر . شبهه یوق که دوچار
اولدیغمز فلاکتک پک چوق ومتنوع اسبابی واردر . بز بوسبیلری
جنس جنس تفریق ایدرک هر جنس حقنده عمومی مطالعات درمیان
ایده جکز . بیک نصیحتنه نسبتله بر فلاکت اولادر . احوالده فلاکت مزدن
متنبه اولق لازم . بونک ایچون اسباب فلاکتی تدقیق ایتلی . بزبالخاصه
شو صوک عصرده مسلسل فلاکتلره ، مغلوبیتلره دوچار اولدق ؛
فقط هیچ برندن متنبه اولماقدق . بونک سببی ، مؤثرات فلاکتی تدقیق
ایدوب سر بستجه میدان قویامقدن عبارتدر . قباحترلر ضری کیزلره رک
آئیده تکررینه میدان ویرمکدن ایسه ، شیمیدین اوکزه دوکوب
استقبال ایچون عبرت آلمق مر جحدر . تاریخ بر تکرردن عبارتدر .
یاشامق ایسته یین اقوامک وقایع ماضیه دن عبرت آلماسی لازمدر . بزم
باشمزه کلن فلاکته ، وقتیله متعدد اقوامده دوچار اولشلردی ؛ فقط
تاریخه اهمیت ویرمه مک ، اقوام سائر نهک فلاکتلرندن حصه یاب اولماق ،
حاصلی هر دورلو معناسیله اویومق بزیده عینی کردابه دوشوردی .
الده نه روسلرله یاپدیغمز متعدد مغلوبانه حربلرک ونه ده یونان ابله
اجرا ایتدیکمز غالبانه حربک اصوله موافق هیچ بر تاریخی یوقدر .
حال بوکه روسیه بیله مانچوریده اجرا ایتدیکی مغلوبانه حربک مکمل
بر تاریخی حربدن بش سنه صوکر میدان قویدی .
عجبا بزم بو اویوشوقلغمز سبب نه در ؟ قباحترلر ضری اورت باص
ایتمکله ، جاهلانه حرکتلر ضری اخلافه تفصیل ایتمه مکله بر فائده می استحصالی
امیدنده یز ؟ انسانک کندی تجربه لری ، باشقه لرینک تجربه لرندن ده
مؤثر و موجب انتباهدر . منحصرأ فره در یقزلرک ، ناپولیونلرک ،
مولتکه لرک مظفرانه حربلرینی اوقومق ، اوقومتی فائده دن زیاده
مضرتردر . نیجه ارکان عسکریه منر بواسانده حربک داستان ظفرینی

از برله مش ، حتی اوقوتش ایکن فلاکت اخیره منری ادراک و منع
ایده مدیلر . فلاکت ، باخصوص کندی فلاکتمز اک بویوک مریدر .
باشقه لرینک مظفر یاتنه نشیده خوان اولمقدن ایسه کندی فلاکتلر منرک
مرثیه سنی اوقومق دها عبرت آمیزدر . آرتق قلب قیر یلاجق ، بر حیات
اولان وقعه قهرمانلری کوجه نه جک دییه بوفلاکتمزیده تدقیق و تشریح
ایتمزسه ک یا شامقدن ، محافظه استقلالدن قطع امید ایتمه لیدر ؛ هم هیچ
غائب ایدیله جک زمان یوقدر ؛ همان پاچالری صیغایوب درد لر منری تشریح ،
دوالر منری تحری لازمدر ، انسان خطاسز اولاماز ؛ خطا صاحب لری
قصور لرینی ایجه اوکره نوب آتی ایچون عبرت بین اولمالیدرلر ؛ اخلاقک ،
اولاد وطنک استفاده سی ، سلامت وطنک تأمین ایچون خطا لرینک
تدقیق و اظهارندن محظوظ و بوکا کندی اللریله یاردم ایتمه لیدرلر .
رساله ده مندرج بعض آجی حقیقتلر احتمال که ، پک سرت و دوقوناقلی
کورولور ؛ فقط ای ناموسکار انسانلر ، براقیکز ؛ کچمش درد لر من
ایجه تشریح ایدیلسون ؛ تا که بویوک کوچوک هیمز اوکره نه رک باری
بوندن صوکر ا عینی خطا لری تکرار ایتمه لم .
بز هیمز ، بوتون اولاد وطن فلاکت اخیره مزده آز ویا چوق
مؤثرز . مغلوبیتمزک سبیلری نه منحصرأ دیلوماتلر ، نه قوماندانلر ،
نه ضابطلر ، نه عسکرلردر ؟ بوتون افراد ملت مدخله ادردر . بونک
ایچون اسباب فلاکت و انزاع منری ال برلکیله تمامیه تدقیق ایتمک ،
آتی ایچون متنبه اولق ، تاریخ مزده بویوک ، پک بویوک برسیاه لیکه
اولان شو فلاکتی برآن اول بیلیمک و بوتون مفاخر عسگریه منرک ،
خاطرات شان و شرف منرک مهدی و لحدی اولان روم ایلی بی بش اون
سنه ظرفنده استرداد ایتمک لازمدر .

« دلبر روم ایلی ، بومالکانه »

« تورک ملتک جهان ایشیتسین »

« ایمان ایده لم : بوکونکی (اودرین) »

« البته یارین اولور ادرنه »

۱۴ حیران سنه ۱۳۲۹

برنجی قسم

حربدن اولکی سبیلر

۱

سیاسی خطالرمز

۱۳۲۷ سنه سی ایلولنده ایتالیا نك اعلان حربی بزده بویوك
بر بهت و حیرت تولید ایتشدی ؛ بزم ایچون بو وقعه پك
نا كظهور و غیر مأمول ایدی . حال بوكه دشمنمز اولان ایتالیا
آیلردن بری حاضر لانیوز ایدی ؛ و كندیسی ایچون طرابلسه
تجاوز سنه لردن بری بسله نك آمالك قوه دن فعله چیقماسی ،
عادتاً بر نتیجه طبعیه سی ایدی . شو حالده بزم ایچون نا كظهور
اولان بروقه خصممز ایچون پك معلوم و مستحضر و كذا بزم
ایچون غیر مأمول اولان شی اونك ایچون طبعی بر حال ایدی .
اوزمانه قدر موقع اقتدارده بولونان قابینه هیچ امید و تخمین
ایتمدیکی و بناءً علیه هیچ بر صورتله حاضر لانیادیغی بر حربك
بردن بره ظهورینی کورونجه قصورینی در حال ادراك ایتدی ؛
افكار عمومیه مواجهه سنده اعتبارینی غائب ایلیمه جكنی و بو حال
ایله اداره امور دولتك ممكن اولامیه جفنی حس ایدرك همان
استعفا سنی و یردی ؛ بولغار رئیس و كلاسی (كشاف) ك

بالقان حربی ختامنده سویلیدیکی وجهله ، «یکی وضعیتلریکی
آدملر ایسته» دییه رك موقع اقتداردن چکیلدی. شهه سز بو،
بر بویوك فضیلت سیاسییه اثری ایدی ؛ لکن رئیس وکلانك
حرکته تکمیل قاینه اعضاسی اقتفا ایده مدی. بونلرک بر قسمی
یکی تشکل ایدن قاینه یه ده داخل اولدیلر ...

اسکی قاینه اتفاق مثله تمایل ایتش ایدی؛ بوکا رغما اتفاق
مثلتک بر رکنی طرفندن انده کی مالی غضب ایدیلک ایسته.
نیلیوردی ؛ و بو خصوصده اتفاقک سائر ارکانی طرفندن هیچ
بر معاونت و دلالة مظهر اولماشدی .

ایشته بو حال بزم کندیلرینه دیپلومات سوسی ویرن
مأمورلر مذك کوزینی آچق ایچون کافی ایدی : دیمک که ، اک
زیاده کو و نیلن دولتلر طرفندن هیچ تخمین ایدیه مین بر تعرضه
دوچار اولق ممکن ایش ... بو، او یله آجی بر تجربه ایدی که،
بو تون استقبالی ایچون هیچ بر ناظر مذك خاطرندن چیقما یا جق ایدی.
بر حکومت ایچون اک مکمل دوست، کندیسنک قوتیدر.
قوت ایسه ، لاف ایله اولماز ؛ قوتلی یم دیمکه قوتلی اولونا ما ز.
قوت آنجق اردونك و دونمانك قیمت حقیقیه حربیه سندن ،
هر زمان حربیه حاضر و آماده اولماسندن عبارتدر .

خاقان سابقدن میراث قالان اردو و دونما هر درلو قیمتدن
محروم و چپلاق بر غلبه لقدن باشقه برشی دکلدی [*]. بو اردویه
[*] یالکز اعتراف ایتلی زکه اردوده کی اسلحه پک مکمل وزمانه

قيمت حربيه ويرمك ايچون سندرجه وكيجهلى ، كوندوزلى چاليشمو ، چاليشديرمق لازمدى . بويله برسى ايچون اردونك سكونه احتياجى واردى . يوقسه خاقان مخلوع زماننده اولدينى كېي تماديا اغتشاشات داخلينهك تسكىنى ايچون ژاندارمه خدمتنده قوللانيليرسه حربيه حاضر لانتق ايچون بالطبع زمان وامكان قالماز . بوندن باشقه ژاندارمه وظيفهسى ايچون اك زياده چته محارباتى قوللانيلاجىندن ، هيچ شېه يوقكه ، بو اصول حرب اردويى پك زياده بوزار . شو حالده اردويه برقيمت حربيه ويرمك ايچون ، تعليم و تربيه سنه اهتمام ايده بيلمك ايچون سياست داخليله اعتدال كوزدتمك ، اغتشاش توليدينه وبونلرى تسكىن ايچون عسكراستعمالنه ميدان ويرمهك لازم ايدى .

حال بوكه اعلان مشروطيتندن برى اردو تماديا اغتشاشات داخلينهك تسكىنى ايچون اوغراشيوردى : ۳۱ مارت وقاىي ، آظنه فجايى ، آرناوودلق و حوران اغتشاشاتى ، ماليسور وقوعاتى ، يمن عصيانى هپ اردونك ضررينه تسكىن اولونيوردى . بونلردن بر قسمنك بلااختيار ظهورينى وبهممه حال قود عسكريه

موافقدى : بوكون المزده كى مكرر آتشلى كوچوك چاپلى ماوزر تفنكلرى و سريغ آتشلى طويلرك هان كافهسى اونك زماننده تدارك ويا سپارش اولومشدى ؛ فقط يالكر طويلك و تفنكك بر حربي قزانغه كافى اولمايدىنى شو صوك فلاكتمزك ، اك عنود چهره لره قارشى ده اثبات ايتمش اولماسى لازمدر .

ایله تسکینی لزومی اعتراف ایتک لازمدر ؛ فقط دیگر بر مهم
 قسمتك ده ظهورینه میدان ویرمه مک ممکن وقوه عسکریه
 سوقته وارمقسزین حل ایتک قابلدی ؛ بالعکس ، صانکه اردو
 ژاندارمه خدمتی ایچون بسله نیورمش کبی ، هر وقعه عسکر ایله
 تسکین وتادیب اولونمق ایسته نیادی . شونی ، هر حکومت
 مأموری خاطرینه نقش ایتمه لیدر که ، « اردو آنجق خارجی دشمنلره
 « قارشی حرب ایچون ، مدافعه وطن ایچون تأسیس اولونمشدر ؛ وقت
 « حضرده کی اردو ، احوالیه ، حال حضرسیله ، غوغا و حرب ایده من ؛
 « وقت حضرده کی اردو آنجق اولاد وطنی حربیه حاضر لاق ایچون
 « بر مکتب ، بر اساسدر ؛ مملکت داخلنده آسایش ایچون ژاندارمه
 « و پولیس تأسیس اولونمشدر . اردونک شان و شرفنک بویوکسکی ،
 « آنجق خارجی دشمنلره قارشی مدافعه وطن وظیفه مقدسه سیله موظف
 « وفدای جانه حاضر اولماسندن نشأت ایدر ؛ ایشته بو وظیفه نک قدسیتندن
 « ناشی خدمت عسکریه سنی پاره مقابلنده ایفا ایتز ؛ اردودن مطلوب
 « اولان شو خدمت وفدا کارلق ایسه هر کون هر هانکی بر شقیمک ،
 « بالدیری چیپلاغک تادیبی ایچون طلب و اسراف ایدیله من . حال بوکه
 « ژاندارمه و پولیسلر خدمتلینی پاره مقابلنده ایفا ایدن ، ایلقلی انضباط
 « مأمور لیدر . اولکی سنه لوندرده بر قاچ حیدود قوتلی بر بنایه تحصن
 « ایتدکلی زمان بونلری دردست وتادیب ایچون انکتره حکومتی تک
 « عسکریله قوللانمادی . لوندره نک آسایشنه مأمور ۱۶۰۰۰ پولیسدن
 « بر قسمی بنایی قوشاتارق هجوم وشقیلری افنا ویا دردست ایتدیلر .
 ایتالیا اعلان خرب ایتدیکی زمان حوران و کرک و قایبی
 ایچون کوندریلن عسکر هنوز احوالیده یمن عصیانی واسع
 بر صورتده تسکین ایچون روم ایلیدن سوق اولونان اک کزیده

قطعا تمز هنوز يمنده ايديلر .

ايتاليانك كوسترديكى مثالدين درعقب ازكان حكومت متنبه اولمالى ايدى . وبو مثالك سائرلى طرفندن ده تطيق ايديله بيلمسى احتمالى نظر دفته آلمانى واوردونك قيمت حربيه سنى ، سفر برلكنى احراز ايدن احوالدين آرتق صرف نظرايتمك لازمى ادراك اولونمالى ايدى . حكومت عثمانيه ايچون اك زياده مهلك بر حربك روم ايليده واقع اولاجنى شبهه سز ايدى . حتى خاقان سابق زماننده بيله بوتملهك ادراك اولونارق قوه عسكريه نك مركز شلتى روم ايليده بولونديريلوردى ؛ بناء عليه ايتاليانك آكسزين اعلان حربندن صكرا همان روم ايليده بر حرب ظهورى تأمل اولونمالى وبوييله بر حربيه نه درجه يه قدر حاضر اولديغمز تدقيق ايديله ليدى .

كرچه طرابلس سفرينك ظهورندن صوكرا بالقاندرده تشوشات ظهورينه ميدان ويريله يه جكي بعض دولتلر طرفندن بيان ايدلمش ايدى ؛ فقط ديپلوماتلر پك اعلى بيليرلر كه ، بو نوع بيانات وحتى تأميناتك قيمت حقيقيه سى پك آزدرد . بونلر ك صدق وكذب مقررئيتى عيى درجه ده در . سياستده منفعتدن باشقه هيچ بر سائق يوتدر ؛ وقوتك او كنده هر شى بويون اكر . شيمدى يه قدر دفعاتله حكومت عثمانيه نك تمامى ملكيسى دول معظمه طرفندن تعهد اولونمش ايكن ينه اونلر طرفندن دوچار تجاوز اوليورمى ايدى ؛ ايتاليانك آمال صلحچورانه سى ده

بر قاج هفته اول عینی سوزلرله تأمین اولونمورمی ایدی ؟ ..
 بناءً علیه بالقانلرده تشوشات واختلافات مسلحه ظهورینه مانع
 اولاجق شی دول معظمه نك سوزی دکل ، عثمانلی حکومتک
 قوتی ایدی . اکر او قوت اوکنده بویون اگدیریرسه حرب
 ظهور ایتمز ؛ عکس تقدیرده تشوشاتی بالفعل منع ایچون هیچ
 بر دولت معظمه ترکیه لهنه فداکارلق ایتمز .

ما کدونیا مسئلهسی اوتهدن بری معلق ایدی . اعلان
 مشروطیتله بو مسئله حل ایدیلشمش ، بالعکس بر مدت موقته
 ایچون او یودولمش ایدی . ما کدونیا سادگی تشوشات عثمانلی
 مأمورلرک ظلمندن زیاده مجاور مملکتلردن کلن تشویقندن منبعث
 ایدی ؛ و بو تشوشات عثمانلی شوکت وعظمتک تنقصی نمیبندده
 معکوساً تزايد ایدیوردی . شو حالده ما کدونیا مسئلهسنی
 بوغمق ایچون ، اردومزک خارجی مشوقلری ازه جک بر حالده
 اولماسی لازمدی .

بر دولتک هر هانکی بر طرفده حرب ایتسی ، شبهه سنر
 دیگر حکوماته قارشى ضعفى انتاج ایدر . بزه هیچ بر ضرری
 اولمایور دییه اعلان ایتدیکمز ایتالیا حربی غیر محسوس بر
 صورتده منابع حربیه مزى کیریوردی . دونمازک هیچلکی
 طرابلس ایله هر درلو مواصلدمزک انقطاعنه سببیت ویرمش
 ایدی . مصر وتونس طریقله و مصارف عظیمه اختیاریه
 طرابلسده کی قوه حربیه جیبخانه ، ارزاق وسائر کوندره

بیلیوردق . بو کیزی یوللری ادا مه ایچون پک چوق خفی
مأمورلرک، قومیسسیونلرک ممالک اجنبیه ده بولوندورولماسینه و بو
یوزدن لزوملی لزومسزیک چوق پاره صرفه مجبور اولیوردق .
طرابلس و بنغازیده جمع ایدیلن عرب مجاهدلرک پک چوق
اجرت ویریوردق . بوندن باشقه ایتالیا نلک بزی صلحه اجبار
ایچون آرناوودلغه عسکر اخراجی بر زمان احتمالات داخلته
کیرمشدی . بوکا قارشی آرناوودلقدده خیلی مصرف اختیاریه
بر اردو جهته مجبور قالمشقدق .

مرمره و قارا دکزدن ماعدا بوتون دکزلرده مواصلات
کسیلمشدی . تجارت خیلی سسکته دار اولمش ایدی ؛ یمن ،
و حوران ایچون کوندردیکمز قطعات اورالرده قالمغه مجبور
اولمشلردی . دونما هر کون استیم اوزرنده دورارق قیمت
حریبه سنی ضایع ایدیوردی . اوتده بریده بولونان اوفاق
تفک کیلرده برزبرایتالیا دونماسنلک تجاوزیه محو اولیوزلردی .
بوتون شواحوال عادی بودجه سسنده کی دائمی آچینی هر
سنه خارجی استقراضلره قاپادان بر حکومت ایچون نه قدر
مدجش بر زیاندی . حال حرب حسیله پاره تدارک ایدمه مه مک
مجبوریتی ده وار ایدی . پارس بر حربک ادا مه سی غیر قابلدی ،
بناء علیه ایتالیا حکومتیه اجرا ایدیلن حربک روم ایلیده ظهور
ایدجهلک حرب قارشی دولت عثمانیه یی بویوک بر ضحفه دوچار
ایدجهکی آشکار ایدی ؛ غزته ستونلرنده بزه ضرری دو قومادین

اعلان ایتک کندمزی آلداتمقدن باشقه برشی دکلدی . بوندن باشقه ایتالیانک طرابلسه تجاوزنی منع ایتک ویا ایتالیانلری طرابلسدن سوروب چیقارمق، دکره دوکک قدرت حربیه مزک خارجنده ایدی . شو حالده طرابلس سفرینک بزم ایچون آنجق دشمن حرکاتی توقیف و تأخیردن وبو صورتله نسبةً مساعد بر صلح امکانی تأمیندن عبارت اولاجنی شبهه سز ایدی ؛ بناءً علیه ناموس عسکریمزی قورتاردقدن صوکر ایتالیا ایله آزه چوغه باقیایه رق صلح ایتک لازمدی . ناموس عسکریمزی قورتارمق ایچون طرابلس لوقاسنی ایتالیانلره قولایجه هضم ایتدیرمه مک ، دونماسنک یاردیمیه ساحله یرلشدکدن صوکر اداخله دوغرو ایبرله مسنی تأخیر و توقیف ایتک کافی ایدی . شو صورتله ا کسه مزه طوقات آتیلنجه المزمده کی لوقا آلتامش اولاجق ایدی . وسعمن نسبتنده مقاومت و ایتالیانلری اضراردن صوکر ا نسبةً مساعد شرائطله طرابلسدن فراغت ایدیله جک ایدی .

احتمال که بر قیاج سنه متمادی ایتالیانلره مقاومت و اونلرک ایچری نفوذلرینی منع ایتک قابل ایدی ؛ فقط وطنمزک اقسام سائر سنده دوچار اولاجمن ضرر لر بی حد و حساب اولاجقدی . یالکنز یمنده قرق الی طابور عسکرک معطل قلماسی ، پاره تدارک ایدیله مه مسی ، ایتالیانک متفق اولان آلمانانک اسلحه و مهمات حربیه و یرمه مسی و شو صورتله بالقانلرده ظهور ایده جک بر حربیه

قارشى ضعيف بولونمق مجبوري تى بىزى صلحه اجبار ايده جك
اسبابدن معدوددر . يوقسه دمياطه پرنجه كيدر كن اوده كي
بولغوردن اولورز ؛ نته كيم اولدق : طرابلسى قاچيرمايه لم دير كن
قوجه روم ايلي يي قايدير دق . حربك موجب اولديغى فلا كتلر
وتخريبات ده جابا ...

ايشته اسباب معروضه حسيديله درت بش آى مقاومتدن
صوكر ايتاليا ايله عقد صلح ايديله ليدى .

ايتاليانك اعلان حربندن صوكر موقع اقتداره كن قابينه
بدائتده نه قدر آثار احتراز كوسترديسه ، بالاخره ، طرابلسده
برقوة مقاومه جمع وادامه سى اچون كيزلى وسائط ويوللر تدارك
ايدنجه ، اونستبد جراثكارلق ايتدى . اعلان حربى متعاقب اوروپاده
قاي قاي دولاشه رقى دول معظمه نك يهوده يره توسط ومعاونتى
تأمينه چاليشدى . حال بوكه دول معظمه سائر نك بيطر فلقلرى
تأمين ايمه دن ، ايتاليانك بويده برايشه تشبث ايمه يه جكي آشكار-
دى . بوندن باشقه همان اعلان حربى متعاقب اظهار عجز ايدرك
تسليميت كوسترمك شبهه سىز پك فنا بر حركت ، استقلال وطن
اچون پك مضر بر مثال ايدى . قابينه نك بالاخره تمديد مقاومت
چاره لر ينى بولونجه تبديل فيكر ايدرك مصالحه ده استغنا كارانه
حركت ايتمى بدائتده كي استعجال ايله بويوك بر تضاد تشكيل
ايدر ؛ بونى آنجق شو صورتله تاويل ممكندر : « بدائتده
مقاومت اميد احتمالى كورمديكندن اوروپايه مراجعت ايتدى ؛

بالا خره چاره بولونجه وضعیت سیاسیه یی دوشونمکسزین مصا-
لحه ده استغنا ایتدی . « اکر بویله ایسه بویوک برغفلت سیاسیه
اثری کوستریلدیکنده شه یوقدر ؛ چونکه روم ایلیده کی وضعیت
سیاسیه وعسکریه مزك کوروجی بر کوزله تدقیق اولونمادیغنه
دلالت ایدر .

بر یاندن ایتالیا حربی بویله سطحی نظرانه تأمل و اداره
اولونورکن دیگر طرفدن مسائل داخلیه حکومتی حال اشباعه
کتریمکده ایدی .

هر مملکتده دکل بر حرب ، خارجی بر تهله که بیله موضوع
بحث اولدینی زمان بوتون اختلافات ومنازعات داخلیه موقته
یراقیلیر ؛ هر کس حرصی ینر ، صوصار : رقابتلر کومولور ؛
هر کسک انظاری خارجی تهله کیه ویا دشمنه منعطف اولور ؛
بوتون افراد ملت هر دورلو مساعیسنی خارجی تهله کی حسن
صورتله دفعه ، ویا باشلانان حربی شان وشرفله ختامه ایردیرمه
صرف ایدر . موافق ، مخالف هر شخص حیاتندن ، مالندن ،
جانندن فدا کارلق ایدر . وطنپرورلک ، حمیت آنجق بودورلو
حرکتی استازام ایدر . صورت عمومیه ده پارلامنتو اجتماع ایتیز .
چونکه پارلامنتونک مذاکراتی اکثریا مناقشات سیاسیه سبب
اولور . حال بوکه خارجی تهله که ویا حرب حسیبله حکومتلک
پارلامنتو ایله اوغراشه جق وقتی یوقدر . مجلس مبعوثان ویا
اعیان بعضاً غیراختیاری سؤال ویا استیضاحلرله حکومتی مشکل

موقعه صوقار ؛ امور خارجیه یی تشویش ایدر .

حال بوکه بز ، بوتون هیمز شو اساسلره تمامیه مخالف حرکت ایتدک . موقع اقتدارده بولنان قاینهده وظیفه وطنیه سنی ایفا ایتدی . اولاً ایتالیا حربنه قدر موقع اقتدارده بولونان قاینه یی بو حرب ایچون تسیب واهال ایله اتهام ایتک ، دیوان عالی یه کوندرمک ایستدک . حال بوکه بر حرب ائناسنده دوشو- نوله جک شی منحصراً او حربی شان و شرفله اکمال ایتمکدن عبارتدر . حربدن اول واقع اولدینی ظن اولونان تسیب ، اهل وسائر نک حساباتی بعد الحرب رؤیت و تصفییه اولنور . حرب ائناسنده بویله شیارله اختلافات و تشوشات سیاسیه تزییدایدیلر . باخصوص ، اتهام ایدیلک ایستمن قاینه نک بعض اعضایی ، طرابلس مدافعه سندن مسئول اولان ارکانی یکی قاینه دهده عینی مقاماتی اشغال ایدیورلردی .

بوندن باشقه مجلس مبعوثان اجتماعاته دوام ایدیوردی ؛ مخالف فرقه مخالفتی حیثیتلک مرتبه سینه واردیدری ؛ مذاکراتی تعقیب ایدنلر بوملکلتک خارجی بردشمنله حرب ایتدیکنه اصلا احتمال ویره مزلردی . بوکا مقابل حکومت حربی وسیله اتخاذ ایدهرک مجلس مبعوثانک مدت اجتماعنی تنقیص و پارلامنتوی تعطیل [*] ایده جکی یرده فوق العاده مضر بر تدبیر اتخاذ ایتدی .

[*] قانون اساسی بوکا مساعد کورولمزه ، بوباده یکی بر ماده تکلیفی هر حالده ۳۵ نجی ماده یی تعدیلدن دها خیرلی ایدی .

۳۵ نجی ماده‌ی تعدیل ایتک بهانه‌سیله مجلس مبعوثانک فسخنه ویکیدن کندیسنه مساعدا انتخابات یایدیرمه قرار ویردی. کرچه بوطریق، پارلامنتواسولیه اداره اولونان مملکتلرده مرعیدر؛ فقط دغدغه‌سی و مشکلاتی، انتخابات حسیله مملکتده وقوعه کله‌جک هرج و مرج آنجق آسوده زمانلرده قوللانیلمنی استلزام ایدر. برحرب ائناسنده پارلامنتو مذاکراتنه تحمل ایدمه‌ین وضعیت خارجه مجلس مبعوثانک فسخنه ویکیدن انتخابات اجرا- سنه اصلا مساعد دکلدرد. حکومت هر ایشی بیراقدی؛ اوزون مدت پارلامنتو ایله مجادله ایتدی. کیجه‌لی کوندوزلی مساعیسی پارلامنتوده ایراد ایدیله‌جک نظرله، حکومتک نقطه نظری مدافعه‌یه حصر ایتدی. مسائل خارجه، وطنک خارجی دشمنلره، قارشی امنیت و محفوظیتی اونودولدی.

برطرفدن یمده چارپیشان براردو، دیگر طرفدن ناقص وسائطله بردولت معظمه‌یه قارشی طرابلسی، بر جزؤ وطنی آفریقاده کی صوک حاکمیتیزی مدافعه‌یه چالیشان مجاهدین هپسی اونودولدی. . . یمن جبالنده، طرابلس صحرالرنده پک چوق وطنداشلر فدای نفس ایدرکن پایتخته‌ده حکومت مجلس مبعوثان ایله اوغراشیور؛ مخالف فرقه هر دورلو حمیت و وطنپر- ورلکی آیاق آلتنه آله‌رق حکومته واستناد ایتدیکی فرقه‌یه هجوملر اجرا ایدیور ایدی.

حال بوکه تام بواشاده بالقان حکومتات صغیره‌سی یکدیگرینه

تقرب ایدیورلر: وباش باشه ویره رک بزم ضعف داخلی وخار-
جیمزدن استفادہ چارہ لرینی تأمل ایلورلردی .

(عثمانلی - ایتالیان) حربی حسبیلہ ایتالیانلرک آرناوودلغہ
وما کدونیاہ تجاوزلری احتمالاتی موضوع بحث اولونجه بلغارلرلہ
صربلر ما کدونیاہ بر باشقہ دولتک نفوذ ایتہ سہنہ مانع اولمق
ایچون تدبیر دوشونمکہ باشلادیلر . دہا بو حربین اول یونان
رئیس وکلاسی (وہ نیزہ لوس) غیر رسمی وسائطلہ بولغارستانہ
اتفاق تکلیف ایتشدی ؛ ۱۳۳۶ سنہ سنہ صوفیہ کوندردیکی
یکی یونان سفیری (پاناس) ہر ایک حکومت آراسندہ کی مناسباتی
امکان نسبتندہ ایلشیدیرمشدی . بولغارلر یونانلیرلہ رسمی
مذاکرہ کیریشمہ دن اول صربلرلہ اویشمہی تنسیب ایتشلردی .
ایتالیا حربنک ظہوری بوتصوراتک موقع اجرایہ وضعنہ سبب
اولدی .

دیگر طرفدن روسیہ ، دولت عثمانیہ دہ داخل اولمق اوزرہ
بر بالقان اتفاقی وجودہ کتیرہ میہ جگہنی آ کلاینجہ ، عثمانلیرہ
قارشی متباقی بالقان حکومتاندن بر ہیئت متفقہ تشکیلی ایچون
چالیشمغہ باشلامشدی . بومقصدلہ ۳۲۵ سنہ سی صوک بہارندہ
بلغرانہ (یان سلاویزم) مروجلرندن (ہارتوبیغ) نامندہ بر
سفیر کوندیرمشدی ؛ بر آ ز صوکرا دولت عثمانیہ قارشی دوستانہ
حرکتہ و عثمانلیرلہ برابر بر بالقان اتفاقی تشکیلنہ طرفدار اولان
در سعادت سفیری موسیو (چاریقوف) ی دہ تبدیل ایتشدی . دہا

اوزمان، چار يوقۇڭ تەبديلى روسيە نىڭ دولت عثمانىيە قارشى سياستىنى دىكىشىدۇرە جىكنى ائما ايتىش وبويۇلدە غزىتە ستونلارندە پىك چوق يازىلار يازىلىشىدى. ۳۲۷ سەنەسى بىدايتىدە بولغارستاندە كەشوف قابىنە سىڭ تىشكىلى متەقاب ھارتوبىڭ تائىرىلە بولغارستانلە صر- بستان آراسىندە بعض تىشبات وقوعە كەلىسەدە اتفاق تىمايلاقى (عثمانلى- ايتالىان) حربىنە قدر صراحت وقوت پىدا ايدە مەمشىدى.

حربىك ظھورى صربىستاندە ايتاليا و آوسترىايە قارشى ما كدونىا و آرناوودلىق اىچون اندىشە توليد ايتدى. صرب رىئس وكلاسى (مىلووانوويچ) اتلاف مىثلئ تىشكىل ايدىن انكىلتەرە، فرانسه و روسيە حكومتلىرىنە شو بىاناتدە بولۇندى: «(عثمانلى - ايتالىان) حربىك بالقانلارە عكس تائىر يانماسى مەملىكەتلەر. بويۇلە بر قارىشىقلىق حالندە صربىستان كەندى مەنەئى مەدافە ايتىك اىچون اىجاب ايدىن تەدبىرى اتخاذايدە جىكدر.»

عىنى زىماندە صرب وبولغار مەنەئىك تائىمىنى مقصدىلە بر اتلاف عقىدىنى بولغارستانە تىكلىف اىچون صوفىيەدەكى سفىرىنە تەلىمات قەطىيە وىردى. بوانئادە (كەشوف) غربى اوروپادە ايدى. وضعىت سىياسىيە نىڭ بولانماسى اوزرىنە ھام مەملىكەتنە عودت ايتدى. ويانەدە بولغارستانىك پارس، برلىن، روما وويانە سفىرلىرىنى طويلا ياراق احوال سىياسىيە حقنەدە اونلارلە مەداولە افكاردە بولۇندى. اكثريت بولغارستان اىچون فرصت زىمانىك حەلۇل ايتىدىكەنە قانع ايدى. بالخاصە روما سفىرى رىزوف بو حالىك

صوك فرصت تشكيل ايتديكنى ادعا ايتدى . نهايت كەشوف
صوفيه يە دوزكن ۱۳۲۷ سەنەسى ايلولنك ۲۸ نجى كۈنى
(بلغراد - صوفيه) دمير يولندە واغون اچىرىسندە صرب باش
وكىلى ايله ملاقات ايتدى ؛ هر ايكيسى نيش دە دمير يولندن
اينەرك بىرلكدە (لا پروو) قريەسنە كيتدىلر .

ايشتە بوملاقاى متعاقب صربلر صوفيه دەكى سفىرى
(اسپالايقوويچ) مذاكرات رسىميە يە ابتدار ايتدى . مقضدك
افشاسنە مانع اولمق اىچون بولغارلردن يالكز باش وكىل كەشوف
ايله مالىە ناظرى طودوروف وكەشوفك رفقاسندن صورانيە
رئيسى دانەف مذاكراتدن خبردار ايدىلر . كذا صربلردن دە
باش وكىل ميلووانوويچ ايله خارجيە ناظرى پاسيچك وصوفيه دەكى
سفىر سپالايقوويچك معلوماتى واردى . بالطبع اساسى روسيە
حاضر لاديغندىن بعض روس رجاى دە ايشە آكاه ايدىلر .

۳۲۷ سەنەسى كانون ثانى وشىباط آيلرنده يعنى بز پارلمنتو
مجادله لريله بونالديغمز ، خارجه عطف اهميت ايتديكمز زمانلرده
صربلرله بولغارلرله دها زياده شوق ونشئە كلش ومذاكرات
كرمى پيدا ايتمش ايدى . بزده پارلامنتو ايله حكومت بربرينك
كوزىنى اوياركن بولغارستانده صورانيا قراله ، دوغرىدن
دوغرى يە حكومات اجنيە ايله كىزلى معاهدات سياسيه عقدى
صلاحيتىنى وىردى . ۲۰ كانون ثانى ۱۳۲۷ تاريخندە بولغارولى عهدى
پرنس بوريسك سن رشدە مواصلتى حسييله صوفيه دە ياپيلان

شندکله بوتون بالقان حکومتلرینک وبالخاصه یونانک ولی عهدلرینی کوندرمک صورتیه اشتراکلی بالقان حکوماتی آراسنده برئتلاف حصول بولدیغنی ایما ایدیوردی .

نهایت ۲۹ شباط ۱۳۲۷ تاریخنده (بولغار - صرب) اتفاق امضالاندی :

بو اتفاقنامه اساساً اوچ مقاوله‌دن مرکبدی ؛ برنجیسی مخالفت و اتفاق عهدنامه‌سی ایدی . بو وثیقه‌ده اول بول ایکی مملکتک استقلال و تمامیت ملکیه حقنده متقابلاً یکدیگرینه اعطا ایتدیکی تأمینات تصریح اولونمشدر .

بوندن سوکرا ایکی حکومتک، تورکیا اداره‌سنده‌کی بالقان اراضیسندن هر هانکی بر قسمنی، ولوکه موقتاً اولسون، الحاق، اشغال ویا استیلا مقصدیه بردولت اجنبیه طرفندن واقع اولاجق تشبثله قارشی مشترکاً مدافعه‌ده بولوناچقلرینی تعهدایتدکلی محرردر .

ایکنجی مقاوله برنجینک خفی ذیلی اولوب بونده حکومت عثمانیه علیه مشترکاً حرب ایدیلسی احتمالنندن بحث اولونمقده‌در . بو حرب ، یا تورکیاده اغتشاشات داخلیه نتیجه‌سی اولارق طرفین عاقدین مداخلیه لزوم کورونجه ، ویا بالقانلرده استاتوقونک بقاسی اسباب داخلیه ویا خارجیه‌دن دولایی مخاطره‌ده قالینجه ظهور ایده‌بیله‌جکدی . ذیلک قسم متبایسی حربک نتیجه‌سنده الیه ایدیه‌جک اراضینک صورت تقسیمنه عائددر .

اۈچىنچى ماقولە ايسە برنجى ماقولەنك برمادە سەندە صورت مخصوصەدە عقد ايديله جىكى محرر اولان ماقولە عسكەرىيەدن ، مشترك حرب پلانندن عبارتدر . ايلك ايكي ماقولە بولغارستان و صربستان قراللىيله باش و كىللىرى طرفندن امضا ايدلى ؛ اۈچىنچى ماقولە ايسە بالاخرە ھرايكي اردونك اركان حربىيە عمومىيە رئيسلىرى طرفندن تذكر و تنظيم اولونار ق امضالانمىشدر . ۱۳۲۷ سنەسى كانون ثانى آيى طرفندە صربلارلە اتفاق عقدى ايدىن آيىيە تقرر ايدىنجه ، بولغارلر شباط ابتداسندە يونانلىلرلەدە مذاكرات رسمىيەيە ابتدار تشبىشندە بولوندىلر ؛ اولجە وە نيزە لوس طرفندن غير رسمى بر صورتدە واقع اولان تەكلىفلەر مستنداً شىمدى يونان حكومتك صوفىيە سفىرى (پاناس) واسطەسىيلە اتفاق تەكلىفىنى رسماً درميان ايتىمى لزومنى وە نيزە لوسە اسماع ايتدىلر . پاناس ايكي حكومت بينندەكى اختلافاتى ازالە و مودت تأسيىسى خصوصندە چوق غيرت و ھمت صرف ايتىش اولدىغىندن بولغارستانك توجه و اعتقاد مخصوصىنى قزائىش ايدى . يونان باش و كىلى وە نيزە لوس ، بولغار تەكلىفندن ھمان استفادە ايدەرك اتفاق اچون مذاكرات رسمىيەيە ابتدار اولوندى .

نھايت ۹۶ مائس ۱۳۲۸ تاريخندە صوفىيەدە كەشوف ايلە پاناس آراسندە (بولغار - يونان) اتفاق امضالاندى . بو اتفاقنامە نك دە اساسى ، ھر ھانىكى برسېيدىن دولايى طرفين عاقدىندىن برى حكومت عثمانىيەنك تعرضنە دوچار اولورسە بوتون قوتلرلە

يکديکرينه يارديم و آنجق بيرلکده مصالحه ايتمکن عبارتدي .
 هر نه صورتله اولورسه اولسون حقوقک مختل اولماسی ده حکومت
 عثمانیه نك تعرضی کي تلقی اولونیوردی . شو حلاله ظاهرده
 تدافعی فقط حقیقته تدافعی و تعرضی اتفاق عقد ایدیش ایدی ؛
 چونکه حقوقک مختل اولدیغی ادعا ایتک ایچونک چوق وسیله
 و بهانه ایجاد اولونابیلردی .

بوتون بوايشلر بزم علیهمزه دوزرکن ؛ بوتون طوزاقلر
 بزه قارشى قورولورکن بزه یاپیوردق ؟..

خارجی بر دشمنله حرب ایتمکلکمه رغماً بر برمرزله
 بوغوشیوردق ؛ هیچ بر طرف سلامت وطن ایچون فداکارلق
 ایتمه یور ؛ مهالك خارجیه اصلا نظر دفته آلمایوردی . حکومتک
 بوتون مساعیسی مجلس مبعوثانی فسخ ایتک ویکی انتخاباته
 کندى طرفدارلرینی طوپلامق جهتلرینه معطوف ایدی .
 مخالفلرده هر نه صورتله اولورسه حکومته ایقاع مشکلاتدن
 چیکنمه یورلردی .

قیش کچمش ایدی ؛ ایتالیا ایله بش آلتی آیدن بری طرابلسده
 حرب ایدیلکده ایدی . ایتالیا نلرک داخله تجاوزلری عقیم
 بیر اقیلمش و بو خصوصده ایجه ضایعات ویردیریلشدی . آرتق
 مصالحه ایدرهك بالقانلرده ظهور ایدیه یله جک هر هانکی بر حرب
 قارشى حاضر لاقمق ، بوزولمش اولان ترتیبات عسکریه مزى
 دوزه لتمک ، بوشالمش اولان خزینه مزى بر معتاد استقرار ایله

دولدورمق لازمدی ؟ فقط قوف برغرور هپمزی ، بالخاصه
 زمامداران اموری استیلا ایتش ایدی : «مانلی اردومز مجاوزات
 » هارجه بی هر زمانه دفعه کافیر ؛ اور دیاصرافیری هر زمانه بزیم
 «کبی بورجه صادق مستریله یاره اقراصه ایدر .» دیوردق .
 حال بو که شانلی اردونک ماهیت حقیقیه سنی ایش باشنده کیلر ادراک
 ایتمه یورلردی ؛ براردودن اللی آلتش طابورک یمنده ، حورانده
 داغنیق بولونماسی ، تعلیم و تربیه اهمیت ویریله مسی ، دمیریوللرک
 ووسائط بحریه نک محدودیتی ، پاره نک قلتی ونهایت اردونک
 ییکیدن تنسیقنه ابتدار اولونماسی ، اسکی ماکنه نک بوزولمش
 ویکیسنک هنوز حسن ایفای وظیفه ایده جک برحاله کله مش
 اولماسی کبی شیرک وقوعی محتمل بر حربه نه کبی فالقلرایراث
 ایده بیله جکی تقدیر ایدیله میوردی ...

مشروطیتک اعلانندن بری بلا پروا تطبیق ایتدیکمز سیاست
 مالیه نک ده سربستی اقتصادیمزی تحدید ایتدیکی اصلا نظر دقته
 آلتما یوردی : هر سنه عادی بودجه سنده ، کلیتلی آچیق ویره ن
 وبو آچینی استقراض خارجی ایله قاپادان بر حکومت ، آیاغنی
 یورغانه کوره اوزاتمایارق دائمًا بورج ایله یاشایان بر مسرف
 دیمکدر ؛ مصارف عادیه یی قاپاتمق ایچون بورجه مراجعت ،
 ییه جک اکمکنی بورج ایله تدارک دیمکدر ؛ بورج ویرنلر یوز
 چویرنجه ویا حرب کبی بر حال فوق العاده ظهور ایدوب
 بیطرفلق حسبیله حکومات اجنبیه تبعه سی اقراض ایده مه نیجه ،

نهایت آچلق باش کوستیر . نته کیم پارسزلق بوتون حرب اثناسنده تأثیرات مضره سی اراؤه ایتمش و صوک زمانده حکومت اک عادی و مبرم مصارفی ، اردونک و مأمورینک معاشاتی آیلرجه تأدییه ایله مه مشدر . مالی اوروپا هیچ بر زمان ال اوزاتدیغمز زمان همان بزه پاره ویره جک بر منبع دکدر . اقراض و استقراض مسئله سی ده باشلی باشنه بر سیاست تشکیل ایدر . بو حال اوتهدن بری معلوم و بزجه متعدد تشبثلرله مجرب ایدی .

استقراض آنجق فوق العاده مصرفلر ایچون و مستثنا زمانلرده یایلیر . بوج پاره ؛ بویوک بر شبکه طرق ، دمیر یولی انشاسی کبی تشبثات جسیمه صناعیه ، دفعه اردونک طویلرینی ، تفسکیرینی دکیشدیرمک ویا دونمایی احیا ایتک کبی مستثنا مصرفلر ایچون تدارک اولونور ؛ نته کیم بر خانه صاحبکده دوکون یا مق ، او یاپدیرمق کبی فوق العاده مصرفلر ایچون بوج ایتسی مجازدر ؛ یوقسه ایلریده معاشمک آرتماسی محتمل کوردیکم جهتله شمیدین قاپوی بویوک آچارق آچینی بوج ایله قاپادیرم دیمک حماقتدن باشقه برشی دکدر .

حربک نه قدر بویوک مصارفی موجب اولدیغنی و آنجق پاره ایله دواملی و ثباتکارانه بر حرب اجراسنک ممکن بولندیغنی اثباته لزوم یوقدر . آلمانیا کبی زنکین بر دولت معظمه نک بیله حرب آقچه سی اولق اوزره (شپانداو) ده حبس ایتدیکی میلیونلر

هر كسك معلوميدر . شو حالده هر سنه عادى بودجه ده آچيق و يرمه نك نه سقيم بر سياست ماليه اولديني ، قابليت حربه مزى نه درجه ده تحديد ايتديكي تبين ايدر .

اطرافزده كي قومشودولتلك عليهمزده دولاب چويردكلى بر زمانده بزم ، هر شيدن بي خبر ، داخلي احتراصلر آراسنده پنجه له شمسكلكمزر ديپلوماتلر مزك هيچ بر صورتله يوزيني آغار- تاجق برشى دكلدر . بالقان حكومات صغيره سنك بزم حقمزده نه كي افكار بسله دكلى اوتدن برى معلومدى . ما كدونيا مسئله سي چكن (عثمانلى- روس) حربندن برى موجود ومعلقدى ؛ ما كدونيا اچون دفعاتله اختلاف مسلح ظهورى تهلكه سنى آتلاشمش ايدك ؛ بناءً عليه بالقان حكومات صغيره سنك دائماً فرصت بين اولدقلى آشكار ايدى .

(عثمانلى- ايتاليان) حربنك ظهورى بالقان دولترلنده يكيدين اميدلر ، امللر اويانديرمشدى ؛ بو دولتلك منفرداً ويا مشتركاً بزه قارشى حرب ايتلىرى هر زمان ممكن ايدى ؛ هر بريسي كندى احتراصاتى تسكين و تطمين ايدجك پارچه لره نائل اولابيليردى . شو حالده حكومات مذكوره بيننده موقه بر اشتراك حصولى مستحيل عدايتكمه هيچ برسبب يوقدى . حتى بو احتمال خاقان سابق زماننده بيله دفعاتله نظر دفته آلمش وبوكا قارشى ابي كوتو تدبيرلر اتخاذه چاليشلمش ايدى : بوچيلاق حكومتلك معترض اركاننه بعضاً پاره ، بعضاً رتبه ، بعضاً نشان

بعضاً مساعدات اقتصاديه ویرهرك هربری منفرداً جلب ایدیلیر
وعلیهمزه اتفاق ایتلمیرینه میدان ویریلەمك ایستەنیردی؛ قرەداغ
قرالنه ، اوغلنه ، قاریسنه ویریلن کیلر ، پارەلر ، رتبهلر ،
کوپه لر مشهوردر [*]. عسکری پلانلر تنظیمینده درت بالقان
حکومتک مشترکاً بزه اعلان حرب ایتلمی احتمالی دائماً نظر
دقته آلمش ایدی ؛ کرچه بالقان حکومات صغیره سی میانده
موجود عرق ومذهب اختلافاتیه بعض رقابتلر بونلرک اساسلی
برصورتده برهیئت متفقە وجوده کتیرملرینه مانع ایدی ؛ لکن
اشترک منافع حسیله جمله سنک بر رقیبه قارشى موقه اتحاد
ایتلمی پک اعلا ممکندی .

بو احتماللر موجود اولونجه بوتون مأمورین سیاسیه نک
باشلیجه دوشونجه لری ، بالقان اتفاقه میدان ویرمه مک وبو
اتفاقک وقوعی درعقب کشفه چالیشه رق تداییر لازمه اتخاذه
ایچون حکومته وقت بیراقق اوله جقدی . حال بوکه نه داخلده کی
ونه خارجه کی مأمورین ورجال دولتمز بو باده صرف همت
ودقت ایتیه یورلردی . هله سفارتخانه لر مزارکاننک اویودقلرینه ،
آییق زمانلرینی رخاوت ویاقماروسفاهت ایله کچیردکارینه هیچ شبهه
یوقدر . صوفیه سفارتخانه سندن چالینان اوراق مسئله سی میدانده در .

[*] بز دور مشروطیتده هم بونلری کسک ؛ هم قدرت وقابلیت
عسکریه ضری اونلری صوصدوراجق بر درجه یه کتیرمدک ؛ (استحضـا
رات عسکریه ده کی نقصان) بحثنه مراجعت .

مأمورین خارجیە نك اوفاق برهیتی (بولغار - صرب) و (بولغار - یونان) اتقاقلرینی کشفه کافی ایدی : چاریقوفك درسعادتن نفكاکي ، بلغرادده روسیه سفیر جدیدی هارتوبغك افکار سیاسیەسی وبلغراد محافیلە صیقى تشبثاتی ، کەشوفك ویانەده بولغار سفیریلە مذاکراتی کەشوف ایله میلوانوویچك واغونده ونیش خوارنده ملاقاتلری ؛ بولغار مجلس مبعوثانك معاهدات خفیة سیاسیە عقدی صلاحیتنی اعطاسی ، صوفیهده کی شنلکبرە بالجله بالقان ولی عهدلرینك بالخاصه یونان ولی عهدینك اشتراکی کبی امارات بالقان حکومتلری مناسباتنده بر فوق العاده لك اولدیغنی افهامه کافی ایدی ؛ وقایع ماضیه و (عثمانلی-ایتالیان) حربی حسیبلە حکومتك دوچار اولدیغنی ضعف دلائل مذکورە ایله قارشیلان شیرینلجه بزم علیهمزه بر اتفاق احتمالی میدانە چیقار ایدی .

بالخاصه بلغراد ایچون مسئله پك قولاییدی . بلغرادده عثمانلی و آوستریا سفارتخانەلرینك منفعتی مشترکدر . هراکیسیده هان عینی وظائف ایله موظفدر ؛ برینك کشفیاتی دیگرینك دائماً ایشنه یارار . بناءً علیه بو واسطه ایلهده یکی کلن روسیه سفیری هارتوبغك مساعیسی در عقب آ کلاشیلا بیلیدی .

مسلك سیاسی خارجیمز ، اکر وارسه بوتون بالقان حکو- ماته قارشی مخاصمه دن عبارت ایدی : صربستانه قارشی آدریاتیک دمیر یولی مسئله سنده مساعده کارلق ابراز ایدەرك دوستلغنی

تأمین ایتدک. قره داغلیرک حاداتی کسه رک مالیسور عصیانلرینه
 سبب اولوق. بولغارستان ایله آره مزده پک چوق واکثریسی
 حقیقه غیر قابل حل مسائل وار ایدی. یونان ایله آرامزده
 معلق قالان کرید مسئله سنکده دائمی بر منبع فساد تشکیل
 ایتدیکنه شبهه یوقدر. «کرید بزم جانمز، فدا اولسون قانمز»..
 اوت، پک مشکور بر سعی اولوق اوزره بر زمانلر یونانه قارشی
 قوای تجاویزه احضارینه چالیشلمش ایدی. او زمان هنوز
 آوره روفی تدارک ایتمه مش اولان یونان دونماسنه تفوق ایچون
 ابی فدا کارلقلر ایدیش ایدی. بوکا رغماً کرید مسئله سنک
 لهمزه حلنه اوروپا دول معظمه سی هیچ یاناشمایوردی. کرک
 بزه و کرک یونانه قارشی «شیمدی مسئله نک حل زمانی دکلدر»
 جوابی ویریلیموردی. بو جرابدن کرچه عوام برشی استخراج
 ایده مزسه ده، بونده رجال حکومتک هر حالده آکلا یاییله جککری،
 آکلامالری لازم پک چوق شیلر واردی. بز یالکیز یونانه
 قارشی بر آو بجرأ قوتلی ایدک. مشروطیت اعلان اولونمش و اوچ
 درت سنه دنبری پک اعلا تطبیق اولونیوردی. شو حالده مسئله نک
 حلنی باشقه زمانه تعلیقدن دول معظمه نک کوزتدیکی مقصد
 ندر ؟ .. بزم ده قوتلی اومازده انتظار ایسه بوکا لزوم یوق،
 فقط بالعکس بزم صیقتلی بر زمانمزده (بوسنه - هر سکه)
 نظیره اولوق اوزره بر امر واقع وجوده کتیرتمک دهها زیاده
 ملحوظدی ؛ بناءً علیه بو مسئله نک حلنی تعلیقه راضی اولوق

هر حالده بزم ايجون مضردي ؛ ابي کوتو بر نتیجه باغلامق لازمدي .

(عثمانلى - ايتاليان) حربى ظهور ايدنجه ، دونماهنر بالمجبوريه چاناق قلعه دن ديشارى چيقامادي . شو حالده يونانه قارشى ارتق تفوق بحريدن بحث ايتمك بالطبع ممكن دكل ايدى . ذاتا يونان اوزمانه قدر آوه روفى تدارك ايدرك موازنت ، بحريه يي تأسيس ايتمش ايدى ؛ فقط بز عناد جاهلانه ايله تك آوه روفك كندى كيلر مزه فائق اولديغنه ايناتق ايسته ميوردق ؛ بو بابده ارباب اختصاصك ارشاداتنه قولاق آصمايوردق [*] . بزم تفوق بحريمز موضوع بحث اولامانجه ، كريد مسئله سنك تكرار اويانماسى يك ممكن ايدى . يونانك يا بالفصل تجاوزى ويا برآ كندى بر استيلايه معروض بر اقامق ايجون ديكر بالتمان حكوماتيله تشريك مساعى ايتمى قابل ايدى . بر كريدلى آوو قاتك اتنيه كلوب يونان قابينه سنه رياست ايتمى هر حالده كريد مسئله سى ايجون بزه خيرلى اولمايه جقدى . اير كچ باشمزه بر كلاه كچيره جكي بديهي ايدى . فى الحقيقه دها ايتاليا حربندن اول (ونيزه لوس) بولغارستانه مراجعت ايدرك بر اتفاق عقدى تشبثنده بولونمش ايدى ؛ بناءً عليه ، هيچ اولماز سسه ، ايتاليا حربى ائناسنده موقت اويوشمه لر قيسلندن كريده مقابل يونان ايله عقد اتفاق ايديله بيليردى . خير ، بز هر كسه قارشى

[*] (بحريه اهميت ويرمه مك) بحثنه مراجعت .

میدان او قودق .. حالبو که قوتمز ، یالانجی پہلوانلقدن باشقه بر
شی دکلدی ؛ فقط بز بونی ادراک ایتمه یوردق ؛ و کند مزی پک
قوی ظن ایدی یوردق ...

ایشته کورولیور که دیپلوماتلر مز ، بو قدر دلائل فارشیسندہ
بالقان اتفاقی نه منع ونه کشف ایدہ مدیلر . سیاست مالیه ده
اولدینی کبی سیاست خارجه ده ده بجزیکسنزک هر طرفه
حکم سوردی . ظن ایتیم کدیالکنز عسکر لر روم ایلی فلا کتدن
مسئولدر لر ؛ مأمورین مالیه و خارجه مزده بو فلا کتده اعمال
وتسیلریله ذی مدخلدر لر . اردو وظیفه سینده نه قدر جهالت
و بجزیکسنزک کوستردیسه سیاست مالیه و خارجه دخی اودر جهده
مدافعه وطنه تماس ایدن وظیفه سینده لاقیدی وبصیرتسنزک
کوستر مشدر .

پایتخته حکومت ایله مجلس مبعوثان آره سینده کی جدال
آرتق ، بر صفحه جدیدیه کیر مشدی : نهایت حکومت
مقصدینه نائل اولارق مجلس مبعوثانی فسخه موفق اولدی .
۱۳۲۸ سنه سی بدایتنده انتخابات جدیدیه باشلاندى . ینه داخلی
مسائل اقدم امور حکومت عد ایدی لیور ومهالک خارجه ده
اهمیت ویر یله یوردی .

ایتالیا طرابلسده ساحلدن ایلری کیده مه نیجه بزى صلحه
اجبار ایچون تجاوزینی آطهر دکزینده ایصال ایلدی . حالا
حکومت عثمانیه ایتالیا ایله سریع بر مصالحه ده راضی اولما یوردی .

آطہ لر برر ایکیشر ایتالیانلرک اٰلنه دوشدی . . زیانی یوق . .
 انتخابات جدیدده اکثریت مطلقه یی تأمین ایتمک دها مهم
 مسئله ... هر طرفده پروپاغاندا لر ... مع التأسف بعض کزیده
 ضابطلر مزده بو سیاسی پروپاغاندا لرہ اشتراک ایتدیریلهرک
 انتخابات جدیدده تأمین موفقیتہ چالیشدی لر .

بر دولت معظمه ایله حرب ایدرکن، وضعیت عسکریه و مالیہ من
 بر بحران کچیررکن بوتون داخلی مسائلک تسکینی اقتضا ایدر؛
 بز بالعکس اک وخیم بر مسئله اٰ داخلیه یی حله قالقدق. مخالفلری
 ازهرک همان تمامیلہ کندی طرفدارلر مزدن مرکب بر مجلس
 مبعوثان تشکیل ایتمکله اوغراشیورز. بویوزدن مملکتدنه کبی
 بحرانلر تولد ایدر؟ بو صورتله ظهور ایدہ جک مشکلات داخلیه
 ایله اوغراشمق ایچون وضعیت خارجیہ مساعد میدر؟ بو نقطه لر
 اصلا دوشونولمیوردی . .

نهایت انتخاباتک قسم اعظمی بیتور؛ صانکہ مجلس مبعوثانی
 طویلامق غایت مستعجل بر مجبوریّت و طنیہ ایمش کبی انتخاباتک
 انتہاسی بکله نمہ یهرک مجلس مبعوثان آچیلیور؛ مخالفلر غایت آز؛
 اعلا . . . فقط آرناوودلق انتخاباتی یاری یولده بیراقلمش .
 اوراده مخالف مبعوثلرک دیشیلیری پک کسکین ... اکثریسی
 ادبسنزلکده یکتا ... یکیدن مبعوث اولمازلرسه بر عصیان
 ظهوری محتمل . نه موقع اقتدارده کی فرقه بر آز فداکارلق
 ایدهرک بونلرک مبعوث اولمالرینه رضا کوستریور؛ نه مخالفلر

ایجابات حمیتی نظر دقتە آلارق مملکتەدە شورش ایقاعندن خذر ایدیور . احتراض هرایکی طرفک کوزینی قارارتمش .. مسائل خارجیه اصلاً دوشونولمور .. مخالفلر جاهل آرناوودلری درلو درلو اغفال ایدرک حکومته قارشى عصیان ایتدیریورلر . عصیان درعقب توسع ایدیور . وشمالی آرناوودلق ، بالخاصه پرشته جوارى فوران ایچنده قالیور . بر طرفدن حکومت سبب ویرمکه مهم بر خطای سیاسی یاپیور ؛ دیگر طرفدن مخالفلر وضعیت خارجیه یی دوشونمیه رک صرف منافع شخصیه ایچون جاهل خلقی آیاقلاندرمقدن چکنمه یورلر ؛ بوکا خیانت وطندن باشقه بر معنا ویریله مز . ذاتاً بو عصیانده صرب پاره سی ده ایجه رول اوینامشدی . ادریس صفرك بالقان حربی اثناسنده صربلر طرفدن ناصل آلقیشلانیدینی کورولادی . پرشته لی حسن بك وسائر عجباً شیمدی اسقو یچینایه می اعضا اوله جقلمر ؟ .. مبعوث اولامادم دییه خلقی عصیان ایتدیرمک موافق حمیت وانسانیتیمیدر ؟ ..

حکومت بو عصیانی تسکین ایچون عسکر سوقنه قیام ایدیور ؛ بالطبع بو خطا اوستته خطادر ؛ کرچه بر آووج سببکمز انک قازغان قالدبرماسنه قارشى بویون اکمک هیچ بر زمان موافق دکلدر . حکومت بویله شیلره قارشى اظهار غجز ومسکنت ایدرک بونلرک آئنده بازيجه اولمامالیدر ؛ فقط مهالك خارجیه موضوع بحث اولدینی زمان وسائط صلحیه

ایله ایشی یاتیشدیرمغه چالیشمق ویاخود موقهٔ موقع اقتداری باشقه بر قابینه یه ترك ایدرك کندی فدا صورتیله سلامت وطنی تأمین ایتک لازمدر . آناوودلغه عسکر سوقی شبهه منر فنا اولان وضعیت عسکریه منری برقات دها بوزاجقدی ؛ بر مهم قوهٔ عسکریه یمنده وجوارنده حال حضریسیله تأدیب عصاته مأمور ؛ بونلر بر حرب ایچون الدن چیقمش ایدی . دیگر مهم بر قوتی ده آناوودلره قارشی سوق ایدرك ایچندن قولای قولای چیقیلماز بر کریوه یه صوقق اولنری ده بر حرب قارشی در عقب قابل استعمال بر حالدن چیقارمق دیمکدر . بزده اوتهدن بری عادتدر : داخلی شورشلره قارشی شکل حضریسیله عسکر سوق ایدرز . حال بوکه بونک بر سفر برلک وقوعنده نه وخیم قاریشقلقلری مؤدی اولاجغنی رجال عسکریه منر ادراک ایده میوردی . ایشته برنجی فرقه نک بوتون بالقان حربنده کی حال پریشانیسی بوکا بر مثال بلیغدر [*] .

شیمدی مسائل داخلیه بوس بوتون وخامت پیدا ایتش ایدی ؛ آرتق (عثمانلی - ایتالیان) حربی موضوع بحث اولمایوردی ؛ هرکس ، خلق ، مأمورین ، عسکرلر و رجال حکومت آناوودلقله مشغول اولیورلردی . حتی ممالک اجنبیه ده کی سفرا منر بیله وظیفه لرینی اونودارق باشلرینی شمالی آناوودلغه ، بش آلتی آی صوکر مسکین صربلرک آیقلری

[*] (استحضارات عسکریه ده کی نقصان) بحثنه مراجعت

آلتەدە پك ذلیلانە چیکنەن پرشتە عحرالینە چویرمشلردی .
 بوأشنادە ، بولغارستانلە یونان اتفاق مذا کراتنی بیتیرەرك
 ۱۶ مایس ۱۳۲۹ تاریخندە معاهدەیی امضالادیلر ؛ ینە هیمز
 خارجه قارشى غفلتدە ، داخلى احتراضدە بردوامز ..
 ایتالیانلر ازمیر جوارینە عسکر چیقاراجقلىرىنى ، چاناق
 قلعه بوغازینی ضبط واستانبولە کله جکلىرىنى مقام تەدیددە اشاعە
 وبزى صلحه اجبار ایدیورلردی . بز قهرمانلر ، حالا کور
 کورینە عناددە دوام ایدیوروز . حال بوکە طرابلسدە (ظانظور)
 محاربه سی اولمش ؛ ایتالیانلر بز مکملری ترک موضعه مجبور ایتمشلر
 وجب خانه مزك همان کافه سنی یاقشلردی . بوندن صوکر طرابلس
 جهتندە اوزون اوزادی یه مقاومتە پك کووونە مزدك . اکر
 ایتالیانلر (ظانظور) محاربه سندن صوکر درعقب تعرضی
 حرکاتە دوام ایتسه یدیلر ، مقاومت امکانی یوقدی . کرچه
 بنغازی جهتندە دها انی مقاومت ایدیلیوردی ؛ فقط بوتون
 بو مقاومتلر ، بوفدا کارلقلر طرابلسی ایتالیانلردن قورتارمغه
 کافی دکلدی . ایرکچ طرابلسی فدایه مجبور ایدک . باری وطنک
 سائر جهتندە کی اسباب مقاومتنک زوال بولماسنه میدان ویرمه یلم ،
 وناموس عسکریمز قورتولمش اولدیغدن نسبتاً مساعد بر مصالحه
 ایله شو نتیجه سز حربی بیتیرەلم . خایر ، مقاومت . . داخل
 سیاستدە شدت احتراض

ازمیردە قونسولوسلردن بری آیدین والیسنه ایتالیانلرک

او حوالی یه عسکر چیقاراجق لرینی و بو مقصدله ایتالیا ده مهم تدارکات یاپیادیغنی سویلر... دیگر طرفدن عادتاً حربیه نظارتی مشاوره صفتی طاقینمش برانجی آتاشه میلیتری آرتق ایتالیا نلرله آنا وطنده ده چاریشیلاجغنی، شیمدی هرایی اردونک قیمت حقیقیه سی میدانه چیقاجغنی بیان ایدر.. بوتون بو استخبارات آژانسلرک اشاعتیه توافق ایدیور.. او حالده همان از میر وچناق قلعه حوالیسنه برر اردو سوقه قرار ویریلیور.. بو نه عظیم وقوی الشکیمه بردولتدرکه، هر طرفده متعدد اردو- لری داخلی و خارجی دشمنلرله چاریشیدینی حالده ینه شوکت و عظمتی باقیدر... همان ردیفلر طولانیور؛ حزیران ابتداسنده از میر وچناق قلعه حوالیسنده اوتوزر قرقر بیلک کیشیلک برر اردو تجمع ایدیور.

دیگر طرفدن آنا وودلق مصادمه سی بردوام. مخالفلر، یاپیدقاری خیانتلر ییشمه یورمش کبی، شیمدی ده حکومت اولی الامرک او امرینه تبعیتله آنا وودلری تأدیب ایچون کیدن عسکرلره زهر القاسنه باشلایورلر: برنجی فرقه ضابطانندن بر قسم عظیمی اغفال ایدرک (آنا وودلرک مطالبی محقدر؛ بز بو وطندا شلر مزه قاشی سلاح آتماز) مدعاسنی درمیانه سوق ایدیورلر. ایشته اردو ایچنده هرج و مرج تظاهر ایتدی؛ ذاتاً تعلیم و تربیه عسکریه یوق ایدی؛ شمدی برده اطاعت انضباط و مختل اولدی. لغت مسیبلره!.. صد هزار تأسف

اغفال اولونانلره ! . .

عینی زمانده استانبولده وازمیرده کی ضابطانک بر قسمی اغفال اولونارق بونلرده بعض مدعیاتاه اورتایه چیقیدیلر . شمدی آرتق دشمنلرمن کمال ممنونیتله صیریتیورلر ؛ وقازغانه قویدقلری آشک قوام زمانک تقرینی کورمکدن پک محفوظ اولیورلردی ..

آوستریا و فرانسه حکومتلری ۱۳۲۸ سنهسی مایس و خزی ران آیلرنده بالقان حکومتلرینک اتفاق عقدایتدکلرینی، وضعیتمنزک وخامتینی، ایتالیا ایله سریمأ صلح عقد ایدیلسنی بزه توصیه ایتدیلر ؛ فقط بز طریق احتراصده او قدر ایلرله مشدک که کری چکیلیمک پک کوچدی . کوزلرمن بولانمش وسهالک خارجیه نی کورمیور ایدک . کوستره نلرده اینانمیوردق . ایتالیا ایله اسسویچرده باشلامش اولان خفی مذاکرات صلحیهده استغنا کارانه حرکت ایدیوردق . بومذاکرات صوک درجهده بطی جریان ایدیوردی . کویاطرابلسی ویریرسهک عرب قومی عصیان ایده جککش .. حال بوکه الده فرانسه نک اخطاری کی واضح بر سبب واریکن هیچ کیسه نک اتهامه حق یوق ایدی . بریاندن چاناق قلعه وازمیرده ، حتی سوریه سواحلنده ایتالیانک تجاوزینه قارشى حاضر لانیوردق . دیگر طرفدن بالقان حکومتلرینک اتفاقی اخبار ایدیلیور . ایشته وضعیت خارجیه نک بویله اک بحرانی بر زماننده بیله سیاست داخلیهده فداکارلق

ایده مدك؛ ینه آرناوودلقدہ کی جنسکہ دوام و بریاندن تازہ عسکر سو قہ تشبث ایلدك. شو صورتله و خامت احوال تزیید و وضعیت عسکریه مزك فنانی تشدید ایدیلدی . باقیکنز فرانسه رئیس جمهوری اولان موسیو پووانقاره دهاهنوز باش وکیل و خارجیہ ناظری ایکن ۱۳۲۸ سنه سی تشرین ثانیسنده فرانسه مجلس مبعوثاننده نه سویلدی : «اوزون مدتدنبری بالقانلرده مشکلات «وخیمه ظهورندن اندیشه ایدیوردق. کچن کانون ثانیدنبری اوروپانك «ایرکیچ شرقده مصادف اوله جفی بض احتمالات حقنده روسیه ایله «مذاکراتده بولمقدہ ایدك. روسیه حکومتی دها اوزماندنبری بالقانلرده «استاتوقونك محافظه سی اساسنه صادق قالد جخنه دائر تأمینات اعطا «ایلشدی ؛ فقط ایتالیا ایله حربك دوامی، قره طاغ حدود حادثاتی ، «آرناوودلق عصیان و اصلاحاتك تطبیقنده کی تأخر صلحك دوامی «کیتدکجه اشکال ایلکده ایدی .

«نيسان ابتدالرنده بلغارستان و صربستانك آرهلرنده بر معاهده نامه «عقد ایلدکلرینی خبر آلدق . بلغارستان ایله یونانستان بیننده براتحاد «حصولی ایچون مذاکراته دوام ایدلایکینی دخی دیگر طرفدن اوکرندك. «بواستلافك ماهیتی حقنده خبر آله مامش اولقله برابر یکیدن تهلکهلر «عرض ایددجك برماهیتده کوروندی. بالاخره بونی بتون وضوحی «ایله خبر آلتجه براختلاف احتمالاتی دها ایی تقدیر ایتدك. برچوق «دفعهلر و حقیقی برحس دوستانه ایله حکومت عثمانیه به مراجعت ایتدك. «بو وضعیتك تهلکهلرینی ایضاح ایلدك . ایتالیا ایله صلح عقدینی تسریع «ایتمنی ، اصلاحاتك سرعتله تطبیقنی توصیه ایتدك؛ فقط کونلر کچور، احوال دها زیاده تهدید آمیز اختلاطات عرض ایلوردی .»

بو واضح اخطار قارشیدسنده بالقسان اتفاقك بوزولمای ایچون هیچ برتدبیر اتحاد ایدیلدهدی ؛ مثلاً یونانستانه کرید

خصوصنده مساعده‌کارلق ابراز ايدمرك اونك دكل بيطر فلغني،
 بزم ايله اتفاقني بيله تأمين ايتمك قابليدي. ناصل كه ، بولغارستان
 رومانياه حدود تصحيحاتي وعد ايدرك بيطر فلغني تأمين ايتمشدي ؛
 فقط بزم قوف غرورمن بويله شيلري ذل ، تنزل عد ايدر. . .
 بونلر ديپلوماتلقدرد ؛ فقط نرده اوديپلوماتلر . . . حكومت
 آدملي ايجون اك بويوك خاصه دورانديشلكدر ؛ بر آتئ
 بعيدده وقوعي محتمل هر درلو مهالكى ذكا و معلوماتي سايه‌سنده
 كوردر ك دها اول تدابير لازمه اتخاذ ايتمك اقتضا ايدر ؛ يك
 چوقسنه لردن سو كرا محسناتي كوروله جك موادي دهاشيميدن
 فرق وادراك ايدمرك حاضرلق كوزمك لازمدر. يوقسه كوني
 كونه ياشامق ، آنجق ذكا واقتداري بسيط اولان على العاده
 انسانلره ياقيشير ؛ امور حكومت مسؤليتني دوش تحمله آلمق
 قولاي برشي دكلدر .

سياسي منازعاته اردويي آلت اتخاذ ايتمك نهايت نتيجه
 مضره سني كوستردى: استانبولده وازميرده وظائف اصليه سني
 اونودان برطاقم ضابطان ادعالييني ايلري وارديرديلر ؛ آرنلر
 وودلقدده كي عسكرك برقسيمي ايله آرنلر اوپوشديلر ؛
 مناستر وساثرده بمض ضابطان حكومته قارشى مخالف سياسي
 ادعالره داغه حيقديلر . وجبراً انتخاب ايديلن مبعوثلري قبول
 ايدميه جكلريني بيان ومجلس مبعوثانك فسحني طلب ايتديلر .
 شو صورتله اردويه تفرقه كيرمش اولدي. نهايت قابينه استعفايه

مجبور اولدی . مخالف فرقه یه متایل برقاینه موقع اقتداره
کلدی . اوده احوال داخلیه یی تسکین ایچون مجلس مبعوثانی
فسخ ایتمه کمالقدی . مبعوثلر تمرد ایتدیلر ؛ کویا که کرءارض
اوزرنده یالکز حکومت عثمانیه واردر ؛ کویا که بو حکومتیه هیچ
خارجی تهلمکه ایراث مضرت ایدمه مز ؛ بناءً علیه داخلی جنکلمزه
دوام ایچون هیچ براندیشه یه لزوم یوقدر

بو محادلاتده علاقهدار اولان هیچ برانسان ، قفاسنی الری
آراسنه آلوبده مهالک خارجیه یی دوشونمده دی ؛ ادعاسندن ،
احتراسندن ، منافع شخصیه سندن برپارچه فداکارلق ایدمک
وطنی قورتارمنی واحترادلمرینی ، حتی انتقاملرینی باشقه برآسوده
زمانه صاقلامنی تأمل ایتمه دی .

مبعوثلر مبعوثلقدن واز کچمه دیلر ؛ حکومت اصرار
ایتدی . نهایت پادشاهک فسخ اراده سنه قارشییله اثار طغیان
کوسترمک فسخی قبول ایتمه دیلر . واعالرنجه تعطیل مذاکرات
ایتدیلر ؛ فقط حقیقتده مجلس فسخ اولونمشدی .

بزبومدهش داخلی بحرانلری تولید وادامه ایدرکن خارجه
ایتالیا ايله حرب دوام ایدیوردی ؛ ازمیرده وچناق قلعه ده
ایکی اردو هر کون دشمنک تجاوزینه انتظار ایدیوردی . حتی
برکیجه دشمن چاناق قلعه بوغازینه بر طورپه دویوط هجومی
یامیشدی . ایتالیا ايله حربک دوامی حسبیله یمنده کی قطعات
جلب ایدیلمه مشدی ؛ وضعیت مالیه وعسکریمه مز کیتدکجه

فئالاشیوردی . دونما متعادیا استیم اوزرنده دورمق ، تعمیر ایدیلهمه مک حسیلله خراب اولیور و قیمت حربیه سنی تدریجاً غائب ایدیوردی .

بالقان حکومات صغیره سی آرتق اک مساعد زمانک حلول ایتدیکنه قانع اولدیلر . او زمانه قدر آرالرنده عقد ایدیلن اتفاقلر ظاهراً تدافعی بر مقصد اوزرینه مؤسس ایدی ؛ فقط دشمن مشترک داخلاً وخارجاً زبون بر حاله کلمسی بوتون احتیاضلری میدانه چیقاردی ؛ شیمدی بولغار قرالک کوزی اوکنده عثمانلی اردوسننه سریعاً مغلوبیتی ، ما کدونیه انک متفقین عسکری طرفدن استیلاسی ، نهایت بولغار بایراغنک آطهر دکنزی کنارنده تموجی وسائر برر برر کچید رسمی یاپیور ایدی . ترددله فرصت غائب ایتیه رکه همان ما کدونیا ده بومبارلی پاطلاتدی . دینامیتلر اهل اسلامک زیاده تعصبلرینی تحریک ایده جات یرلره جامعلره وضع اولوندیغندن درحال بولغارلرک امیدلری حصول بولدی ؛ بومبا پاتلایان یرده بولغار اهالی مسلملرک تعرضنه دوچار اولدیلر . بونک اوزرینه رسمی بر فریاد قوییدی . دیگر طرفدن بولغارستان همان متفقلرینه مراجعت ایده رکه ترکیا علیه مشترکاً حرب ایتکی وقان اپچنده یوزن ما کدونیا یی تخلیص ایلهمکی تکلیف ایتدی ؛ ۱۳۲۸ آغستوس ۱۳۲۸ تاریخنده بالقان حربنک اجرایی قرار کیر اولدی . جغرافیا وضعیتی بولغار و صرب اردولرینک متحداً

حرکتی استلزام ایتدیکندن ایکی مملکتک ارکان حرب رئیسلی آغستوس وایلول آیلارنده بر قاچ دفعه بیرله شهرک مشترک حرب پلانی احضار وتنظیم ایتدیلر . بو سیاسی حاضرلقلار اثناسنده اردوده یقینده اجرا ایده چکی حرب حاضر نیوردی . اوچنچی اردو مفتشلیکنی تشکیل ایدن بولغار قطعاتی بالآ خره پایاجنی قرق کلیسا تعرضه حاضرلق اولمق اوزره شمنی قلعه سی اطرافنده بر قلعه مانورده سی یاقمقده ایدی . جنرال رادقو دیمتری یه ف شیمدیدن کندیسنی و غننگرینی ادمانه قوشیوردی . تموز نه ایتده آوستریا بالقانلرده کی تشوشاتی و بزم غافلانه حرکتلر مزی کوره رک ایشک اوکنی آلمق اوزره بزه ما کدو . نیاده اصلاحات یاقمقغمزی و ۱۸۸۸ پروژهنک موقع تطبیقه وضعنی نیم رسمی اوله رق توصیه ایتدی . عینی زمانده دول معظمه یه ده مراجعت ایده رک بار عالی و بالقان حکوماتی نزدنده بر تشبث مشترک اجراسنی تکلیف ایتدی .

بو خصوصاته دائر بالآ خره موسیو پووانقاره ۱۳۲۸ سنه سی تشرین ثانیده فرانسه مجلس مبعوثاننده ایراد ایتدیکی نقطده شو ایضاحاتی ویرمشدی :

(افرنجی) اغستوسک ۱۴ نجی کونی روسیه ده بولندیغم ، بتون اوروپایی علاقه دار ایدن مسائل حقنده یکیدن موسیو ساسانوف ایله کوروشدیکم ائشاده قونت برختوله تکلیف معلومنی سرد ایلدی . ویانه قاینه سی خصوصات آتیه ایچون کندیسی ایله اجرای مذاکراته حاضر اولوب اولمادیغنی دول معظمه دن صوریوردی .

۱ — بالقان اقوامنه پك مشروع اوله رق طلب ايتدكلري تأميناتي اعطا ايده بيله جك اولان تدريجي بر عدم مركزيت تطبيق ايجون باب عاليه نصايح اجراسي .

۲ — بو سياستك نتيجه سنه مصلحانه بر صورتده انتظار ايتلري ايجون بالقان حكومتي نرزدنده اجراي تشبثاتده بولنلمسي .

بو صرده غيومت حسييله موسيو بريان فرانسه نامنه اوله رق بو تكليفي كال دقتله تشيقي ايلديكمزي اخبار ايتدي . فرانسه نك شرقده كي سياستي باشليجه صلح ومسالت عموميه نك واستاتوقونك بقاسي خصوص صالرينه معطوف اولديغي ، بو خصوصيه ويانه قابينه سي ايله عيني فكرده بولمقدن ممنونيت حس ايتديكني علاوه بيلديردى .

تلفرافله وقوع بولان اخبار اوزرينه موسيو بريانك ويرديكي جوابي تأييد ايتدم . پترسبورغ قابينه سي ده بو زمينده ائتلافجويانه بر جواب ويردى . فقط احوال او قدر سرعتله جريان ايليوردي كه دولتر بر ائتلاف حصوله كتي رنجيه قدر بالقانلرده هيچان آرتدي وانديشه بخش بر درجه يه واصل اولدى .

تقرب ايدن مخاطره قارشيدنده فرانسه حكومتي صوفيه ، بلغراد ، آتنه وچتينه يه وصايا اعطاسي ايله برلكده بالقانلرده اصلاحات عاجله اجراسني باب عاليه توصيه ايجون اوروپا طرفندن تشبثاتده بولنلمسي ايجاب ايتديكني تدير ايتدي . ايلول ابتداسنده بر آهنگ عمومي تأميني ايجون توسل ايديله جك وسائط حقنده متفق دوستلر من ايله تعايط افكار ايتدك .

فقط (افرنجي) ايلولاك اوتوز برنجي كوني بلغار ، صرب يونان اردولري سفر برلكه باشلادى . ايرتسي كوني باب عاليده عيني اثره اقتفا ايتدى .

موسيو ساسانوفك پارسده اثناي اقامتده مومي اليه ايله متحداً صلح ومسالت ايجون صوك بر غيرت صرفنه قرار ويردم . دولتره بر تكليف درميان ايتدك . بو تكليف تعديلاتدن صوكره نهايت بو

شکلده قرار قیلدی : روسیه ، آوستریا اوروپا نامنه اوله‌رق دولترک صلح و مسالمتی اخلاص ایدہ‌جک حرکاتی تقبیح ایلدکلرینی وبرلین عهد نامہ‌سی ۲۳نجی ماده‌سنہ استناد ایدہ‌رک اصلاحات اجراسنی درعهدہ ایلہ‌جکلرینی ، اساساً بو اصلاحات تمامیت ملکیت عثمانیہ ایراث خلل ایتدیکنی ، نہایت استاتوقودہ حربدن صوکرہ تعذیلاتہ مساعدہ اولمیه جغنی بالقان دولترینه تبلیغہ مأمور اولدیلر .

یکی قابینہ‌ده اقتدار سیاسی متواتر برذات خارجیه نظارتی درعهدہ ایتش ایدی .

بوندن باشقه بر پیر سیاست‌ده قابینہ‌نک سیاست داخلیه و خارجیه‌سنی تدویر ایدیوردی ؛ فقط بو زوالی وطنک اوتہ‌دن بری دیلوماتدن نصیبی یوقدر ؛ بویکی قابینہ‌ده اویله بر غفلت سیاسیہ کوستردی که اسکیلرینه رحمت اوقوتدی :

بالقان بحرانی آرتق تمامیه معلوم ... بینسزده پاتلایان بومبار بر اختلاف مسلحک پیشدارلری ... اوروپانک نصایح و اخطاراتی ایقاص ایچون کافی ... بوکارغماینه سرسملک .. وضعیت سیاسیہ‌ده بروخامت کورمیور و ایتالیا حربی بهانه‌سیله طویل‌آتش اولان آتیش یتش بیات کشینک وبالخاصه ۳۲۴ و ۳۲۵ لی افراد موطنه‌نک دفعه ترخیصنه قرار ویریپور . زهی غفلت !.. ایتالیا حربی مناسبیتله ۳۲۴ لی افراد ۳۲۷ سنه‌سنده ترخیص ایلدیه‌رک برسندن بری سلاح آلتندہ ابقا ایدیش ایدی . ۳۲۸ سنه‌می ایلولنده‌ده ۳۲۵ لی افرادک ترخیص زمانی کئشدی . وضعیت سیاسیہ مبهم کورونجه استبدال ایلدیه‌جک

افرادى ترخيص ائتمەك اوتەدن برى ھەر مەملىكتە عادتدر ؛
 وبو عادت بزم مەملىكتەمزدە ، بزم اردو مەزەم پك معروفدر .
 بالاخره آوستريا و روسيه دولتلىرى دە بالقان حربى ائناسىندە
 حاصل اولان كركىنلەك مەنسەبتەلە صوك سەنە افرادىنى ترخيص
 ائتمە مشلر وحتى بەض افراد احتياطىيەنى سلاح آلتە آلارق
 قطعانك موجودلىرىنى قابارتمشلردر .

ايشە يىكى موقع اقتدارە كلن ماھىر ديپلوماتلردە وضعيت
 سياسىيەنى ادراك ايدەمە يەرك يىكى قابىنەنك بويە بويوك برخطاً
 ايشەلە مەنە سەبب اولدىلر . وكلاى سائرە نك دە غفلتلىرىنە ، عدم
 ادراكلىرىنە دىيەجك يوق .. ايشە اردونك ، ذاتاً مسلسل
 خطالارلە آزماش اولان قابىليت حربىيە سەنە وورولان ك صوك
 ومهم ضربەدە بودر .

بو خطايى براقچ كون صوكرآ كلادىلر ؛ ونتايج مضرە سنك
 اوكنى آلمق ايسەتە دىلر : تعليم مقصدىلە تەكمىل روم ايليدەكى
 ايكنجى صنف ردىف فرقلەرىنى سلاح آلتە چاغىردىلر ؛ فقط
 بوتدىرك تلافى مافات ايدەمە يەجكى آشكاردر . بالعكس فرصت
 جو اولان دشمنلەرمزك ۱۷ ايلولە عھومى سفيرلك اعلان
 ائتمە سەبب اولدىلر .

بزدە بر كون صوكرآ بالجمهورية سفيرلك اعلان ايتك .
 شو صورتلە باشمزدە قوياچق فورطنەنى كەندى أئزلە تەسرىع
 ايتك . ايتاليا ايلە آتى آيدن برى استغنا كارانە اداره ايدىلن

صلح مذاکراتی همان تسریع ایدہ رک ایکی هفته ده مصاحبه
مجبور قالدق !...

دها آغستوس آی ظرفنده یونان حکومتی ، کرید مسئله سنک
کندی لهنده حلنه موافقت شرطیه بیطرفلغنی بزه تکلیف ایتمش
ایدی ؛ فقط بز بونی ده خودبینانه برغرورله رد ایله مشدک ؛
بالا آخره سفر برلک اثناسنده تکلیف مذکوره موافقت ایدہ رک
یونانی هیئت متفقہ دن آیرمی ایستہ دک ایسده پک کیچ قالمشدق :
یونان ، متفقہ لرندن آرتق آریلامایا جغنی بیلدیردی .

ایسته کورولورکه بولغار قرالی فردیناندک (خارقه) دییه
تلقیب ایتدیکی (۱۹۱۲=۱۳۲۸) سنه سی حقیقه خوراق ایله
مالیدر. اوزمانه قدر ممکن کورلمه ین بالقان اتقاقی او قدر سرعتله
تأسس وتقرر ایتدی که بو حاله فردیناند بیلہ شامشدر . بوکا
یکانه سبب ، یزم ایتالیا حربنک ابتداسندن انتہاسنه ، بالقان
حربنه قدر همان بلافاصلہ ارتکاب ایتدی کمز سیاسی خطا لر در .
هانیا دشمنلر مزه میال براجنبی مأمور امور معظمه دولتی اداره
ایتسهیدی ، بزه آنجوخ، بو قدر فنالق ایدہ بیلیردی ...

استحضارات عسکریه ده کی نقصان

دور استبداددن میراث قالان اردونك قیمت حربیه سی پك دون ایدی : تعلیم و تربیه هان هیچ یوق ایدی ؛ افرادك تعلیمی هان یاناشیق نظامده حرکاته منحصر دی ؛ نه انداختلر ونه خدمات سفریه عملیاتلری یاپیلساز ایدی . ضابطانك تعلیم و تربیه سی اساساً اردوده مجهول ایدی . بالطبع قوماندایه ییتی هیچ موجود دکلدی .

یالکنز پیاده و طوپچی اسلحه سی سوز کو تورمیه جك درجه ده اینی ایدی ؛ هرایکسی ده ائک صوگ ترقیاته موافق ایدیلر . کرچه سریع آتشی محرطویاری تکمیل طوپچی آلایلرینه ویریلمه مش ایدی ؛ فقط هنوز یکی تکمیل ایتش اولان بو سلاح تدریجاً اردویه ادخال اولونیوردی .

اوزمان ایش باشنده اولان ارکان عسکریه نك اکثرینسك عسکرلکده کی اختصاصلری اونیفورمه طاشیمقدن عبارت ایدی ؛ بناءً علیه قابلیت حربیه نك، قیمت حربیه نك نه صورتلر اکتساب و تزئید اولونا جفنی ادراک ایده میورلردی ؛ هیچ دوشونولمور . دی که ، طوپلر ، تفنگلر جامد برر ما کنه در ؛ حربده موفقیتی بوما کنه لر کندی کندیلرینه قازانمازلر ؛ آنجق بونلری حسن

استعمال ایتکی بیلیر انسانلر، تعلیم و تربیه کورمش عسکرلرله موفقیت قازانیلیر ...

ردیف قطعاتی تعلیم مقصدیه اصلا سلاح آلتیه دعوت اولونمادقلرندن اونيفورمه‌لی برکروهدن، موظف قطعات ایسه آنجق منتظماً دورمنی ویورو مکی بیلیر دوزکونجه بر هیئتدن عبارت ایدیلر . ضابطانک مهم بر قسمی شو طرزده سلاح آلتیه وقت کچیرمن افراد میانندن تفریق ونصب اولونیوردی؛ دیکری ایسه کندی حیات عسکریه‌لرینه نسبةً اک یوکسک سویه معلوماتی مکتب حریبه‌دن دیلوما آلدینی زمان حائر اولوب بو تاریخدن اعتباراً سنه‌لر کچدکجه اهلیت عسکریه‌لرینی بر سرعت متزاید ایله غائب ایتمکده ایدیلر . ارکان حریبه ضابطانی آنجق اونيفورمه‌لی بورو مأموری مرتبه‌سنده ایدیلر . بوندن باشقه عسکر چیلاق وده‌پولر بوش ایدی .

ایشته ۱۳۲۴ انقلابی متعاقب شانلی اردو بو حالده ایدی . فردای انقلابده عموم ملت اردویی اصلاح و تنظیم خصوصنده متفق ایدی . مقام اقتداره کچنلرک همان یکانه مشغله‌سنی بومسئله تشکیل ایدیوردی؛ فقط براردونک تنسیق دوری اک خفیف زمانی اولدیغندن احوال سیاسیة‌نک امنیت کسب ایتمه‌سنه انتظاراً تنسیقات پروژهلری ، حاضر لقلاری یاپیلدغه باشلانندی ؛ وعقل ایرمن ضابطان قومانداسنده کی قطعات ده تعلیم و تربیه جدأ بویوک بر خواهش و غیرتله بدأ ایتدیلر .

چوق سۈرمدى؛ ۳۱ مارت ۱۳۲۵ قەۋەسى اردودە مەھم
 بر صەمە تائىرىنى اجرا ايتدى . شو عصيانك تەسكىنى ، وقە
 خەلغ ، عصيان مؤثرلرينك تادىي ، تصفىئە رتب ، آرنالودلق
 وسورال اغتەشاشلارينك تەسكىنى كىي بر برىنى ولى ايدن وقايع
 اردونك انظار دقتى تعليم و تربيه يە كىجەلى كوندوزلى دوام
 ايدەرك قيمت حريه يي تزييدايمك جەتەدن انحراف ايتيدردى .
 ذاتا چالیشانلر كەندى ھىت و وطنپورلەكلرى سائەسىيە
 چالیشيورلردى؛ بونلرەك بر قەسمى بر درجە يە قدر صاحب وقوف
 اولدقلرەدن غيرتارەدن جداً ثمرە مفيدە حاصل اوليوردى .
 دىكر بر قەسمنىك اقتدارلرى مفقود اولديغەدن طريق سعي حسن
 انتخاب ايدەميورلردى ؛ كەندىلرينە دلالت ايدنلردە پك آز
 ايدى .

كرچە كوچوك ضابط مەكتەپلىرى ، ضابطان تعليمكاهلرى
 كىي اردونك سويە عرفاتى تزييدە مدارمؤسسەت علميە تدرىجاً
 آچىلمقەدە ايدى؛ مەكتەپ حريه بر درجە يە قدر اصلاح واركان
 حريه مەكتەپى اسكەنسە نەسبەتە عادتا احيا ايدىلش ايدى ؛ فقط
 بونلرەك ھەپسى آنجق آرزولرلە چالیشمق ايسستەينلر ايچون
 فائەدە توليد ايدەبىليور ايدى . حال بوكة بر ھيئت اجتماعيە يي
 مساعى منتظمە يە آليشديروب اوندن ايي حاصلات آلايلىمك
 ايچون ھەركسە اصولنە توفيقاً مەين بروظيفە ويردەك چالیشمايە
 اجبار ايمك لازمدر . چالیشانلرى تلطيف ، چالیشما .

يانلرى تجزيه اقتضا ايدر . هر كس جداً ھىتلى اولوب دە
 كنىدىلەكەن چالیشاماز ؛ بر قىسمى دە صاحىب ھىت و غيرت
 اولمقلە برابر دىلە ، يول كوستەرىلەكەكە محتاج اولور . اردو ،
 مشيردن نفرە قدر اويلە بر ما كەندەركە آنجق هر فردى كندى
 وظيفە سنى ايفا ايدە بىلەك بر اقتدار و فعاليت دە اولور سە
 ايش كورە بىلير . كندى حالە بىراقلمش بر جسىم ھىئت ھىچ
 بر زمانە كندىلەكەن مطلوب وظيفەنى ايفا ايدەمز ؛ ناصلەكە
 كندى حالە ترك اولونان بر باغچە دە در عقب يابانى اوتلر بىتر ؛ آرادە ،
 تك توك ، كنىدىلەكەن نشوونما بولان چىچكلەر ، باغچە بر
 قىمت وىرە مزلر . بويلە بر باغچە سورت عمومى دە دىكەنلەك
 دىنير . حال بو كە منظملاً ا كىلەن ، فنا اوتلرى سو كىلوب آتيلان ،
 ايللرى صولانان باغچە بر كاستان حالە كلير . بو قاعدە دىنانك
 ھىر رندە جاريدر . بوكا رغماً ھىچ بر حربىە ناظرى چىقوب دە
 « فلان شرائطى حائز اولانلر ترفيع ايدەك ، دىكرلرى عىنى حالە
 قلاجقلر ؛ ھىچ چالیشمايانلر ، ايشە يارامايانلر تدرىجاً تقاعد ويا
 اخراج ايدىلەك » دىيەمدى ؛ و بو قاعدەنى جداً تطبيق اچون
 قوتلى قونتروللر وجودە كىترەمدى . حال بو كە اردونك اك
 بويوك دردلرى بويوك رتبەلى ضابطانك جھالت و عطالندە
 تركز ايدىيوردى . بويوك رتبەلى ضابطانى ، امرا واركانى
 چالیشدىرمق ، بونلر قىمت حربىەلرىنى تزىد ايتك اچون
 ھىچ بر شى ياپىلمادى . قوماندان ھىئتى يوق ، اركان حربىە

هیئتی وظیفه سنک اهلی دکل ایدی . موجود هیئتله خاقان سابقدن یادکار قالانلردی ؛ یکی مکتبلرک محصولاتندن استفاده ایده بیلیمک ایچون چوق زمان لازمدی . هم موجود اصول باقی قالدقجه یکی یتیشه جکلرده بر قاچ سنه صوکر اسکیلرک حالنه کله جک ایدی : اسکیلرده هر حالده یکی مکتبدن چیقد . قلمری زمان برشی ایدیلر . اردونک دماغی اولان ارکان حربیه هیئتنک اصلاحی ایچون جدی وقطی تشبیلر اجرا ایدیلهدی . موجود ارکان حربلرک اقتدارلری خاقان سابق زماننده کی درجه ده قالدی . باقیکنز بزم اردومز ایچون بر اجنبی ضابط نه سویله یور [*] .

هر وقعه حربیه اوچ صفجه یه انقسام ایدر : اداره ، اجرات استحضارات ... بو اوچ عنصرک ، حتی اکثریا یالکنز برینک قصوری ویابوس بوتون مفقودیتی عدم موفقیتی نتاجه کافیدر .

عجبا حربی اداره ، اجرا ویا احضار ایدنلردن هانکیسنه ترکلرک انهرای مسئولیتنی یوکلتمه لیدر ؟ اداره حرب خصوصنده هنوز برشی سویله یه مه یز ؛ ارکان حربیه هیئتی تصورات و حساباتندن ده ها هیچ برشی اظهار ایتهدی . اجرا آتیه کلنجه ، الله بعض شهودک جمع ایتدکلری متشتت معلوماتدن باشقه برشی یوق . فقط شوراسی هردلو اعتراضدن آزاده درکه ، استحضارات تمامیه صفردر .

دایی تلفرافک مخابر عسکریمی بروجه آتی یازیوردی : استانبولده کی محافل عسکریه ، که افاده لرلیله بنی ده آلداتملریدی ، هردلو تخمین فوقنده ترک عسکرینک شجاعتی هرشیئه تقابل ایده جک

دیهەرك كمال قناعتلە بوتون كائىناتى اغفال ایدیوردى .

فقط عسكەر ایچنە كیرنجە ، سقوط خیالە اوغرام . شېهەسز ، ترك عسكەرى ماضیدە كى قدر غیور وجسوردەر ؛ و كندیسنك خارقالعاده قوۋە تھملیەسى ساییەسندە ساقز كوی (لولە بورغاز) محاربەسى اوچ كون امتداد ایتدی .

بوتون مسئولیت ، اساسسز بر غروره دالمش وبالقان اقوامتە قارشى حقارتدن باشقە برشى يادایتمەن رجال حكومتە عائد اولالیدر . بونلر ، كاغد اوزرنده بولونان كلیتلى رقلرك تفوقنە اعتماد ایتدیلر . ترك اردوسنك تەمكىل ایتدیكى خارقالعاده بلوفى تصویره مقتدر دكلم . شو كاقاعت كتیردم كە ، سادە هرنفریومیە بر پكسماد آلسەیدی ، مسئول دشمن قارشیدسندە قاچمە جقدى . ترك اردوسنى بو درجە مضمحجل ایدن آچلقدر . ترك اردوسندە بر قاز سوروسنى بیلە اداره ایدەجك ارکان حربیە هیئتى یوقدر . پاشالر ، فن حرب حاضرک اك ابتدائى قواعدینەدە واقف دكل کبیدرلر . وظیفەسە آگاه هیچ بر اداره هیئتى ، هیچ بر نقلیه قطارى یوق . اللرنده بر دمیریولی موجود ایکن ، هیئت عسکریه ، استانبولك ۱۰۰ کیلومترە اوتەسندە بولونان بر لوای بیلە بسلایەمدى ، و شرقە مخصوص بر توکل ایلە درت قول اردویی ساکنانە آچاغە ترك ایتدی ... » شېهەسز مشروطیتك اعلانندن صوكر ارددودە پك چوق شی یاییلدى . بالخاصە اردویە پك چوق پازە صرف اولوندی . چیلاق اردو لباس ایدیلدی . دەپولر البسە و تجهیزات ایلە املا ایدیلدی ؛ فقط بونلرك كافەسى ظاهرى اصلاحتدن معدود ایدی اصل قیمت حربیەنى تزید ایدەجك پك آز همت صرف اولوندی . اردونك روح علیلى اهتمام مخصوصە محتاج ایدی . اردو صوك درجەدە جاهل ایدی . هیئت

ضابطان اکثریتله جهالت وعطالتک اسیری ایدیلر. بوناچاره ساز اولغه کیمسه تشبث ایتدی؛ کیمسه «نه ایچون چالیشما یورسکیز؛ صوگرا تفیض ایده مزسیکیز» دیمدی. کرک چالیشان، کرک چالیشایان، کرک مقتدر، کرک جاهل عینی صیرالیله ترفیع ایتدی.

۱۳۲۶ سنه سی صوک بهارنده ادرنه ولایتده اجرا ایدیلن بویوک مانوورلر، حقیقت بین اولانلرک پیش انظارنده اردونک قیمت حربیه سنلک خاقان مخلوع زماننده کی درجهدن پک آز یوقاری چیقایلیمش اولدیغنی تجلی ایتدیرمشدی؛ هله طابور، آلائی و دهها بویوک قطعات قوماندانلرینک قطعه لرینی قواعد حربیه موافق صورتده سوق و اداره ایتلری اصولک عثمانلی اردوسنجه هنوز مجهول دلدینی بردفعه دهها ظاهر اولمشدی؛ عینی سنه نیک ایلک بهارنده آرن اوودلقده اجرا ایدیلن حرکات عسکریه ده قیمت حربیه مزک پک آجینه حق حالمده اولدیغنی ارائه ایتیش ایدی: کذا ۱۳۲۷ سنه سنده ژاپونیاالی متوفا ماره شال نوکی استانبوله کلدیکی زمان کاغذخانه جوارنده یاپیلان برمانوره بوتون بوتون حقیقتی اظهار ایتمشدی. اردو بونلردن عبرت آلاق همان قیمت حربیه یوکسه لیمکه چالیشه حق ایدی؛ فقط هر زمان اکسیک اولمایان مداحلر حقیقتی ستر ایدرک شانلی اردونک شوکت وعظمتندن، ترقی وتعالیسنندن بیله رک بیلیمه رک دایما بحث ایدرلر وشو صورتله بالفعل ترقیسنه، بلا اختیار، مانع اولورلردی. نته کیم بالقان حربنک ایلک

هفتەلەرنەدە غەزەلەرەز دا ئا مۇظفەریتدن دم وورورلر وەر کون دشمن اراضیسی داخاندە حرب ایتدیگمیزی حکایە ایدرک ملتق اغفال ایدرلردی، بوکی مناسبتسز حاللر دا ئا کندی گندییزی آلا تەغە و تەهلکینی عدم ادرا که سبب اولمشدر. وقایی، حقایق ستر و تأویلدن فائده چیقماز؛ ترقی و تعالی ایستەین ملتلر حقایق وقایی اولانجە چیللاقلغیلە میدانە قویارق ماضیدن عبرت آلمغە چالیشیرلر .

بزم صوڪ عصرده کی تاریخمزرده فوق العاده عبرت انگیز فلاکتلر مقید اولدینی حالده هیچ بریسی عقیلمیزی باشمزه طویلا یوب گندییزی طویارلا مقلغمزه سبب اولمامشدر. هر دفعه کی فلاکتی متعاقب اجرا ایدیلن تشبثات اصلاحیه یاریم تدبیرلردن عبارت قالمش و هیچ بریسی (یهنا) فلاکتدن صو کرا پروسیانک ابراز ایتدیکی مساعی یه نظیره اولامامشدر . باری بو دفعه کوچوچک یومور جاقلرک ایندیر دکلری بویوک یومور و قلردن عبرت آلسهق

مقام اقتدارده بولونان زمره سیاسیه بقاسنی اردوده کی طرفدارلرینک قوتنده آراد یغدن اردو ، (۱۰ تموز ۱۳۲۴) انقلابی وجوده کتیرمک و (۳۱ مارت ۱۳۲۵) عصیانکی تسکین ایتمک ایچون مجبوراً و بحق اشتغال ایتدیکی سیاستدن گندیینی قورتارامادی ؛ اردونک اک گزیده ضابطلری اردودن انفکاک ایتدیریلدی ؛ اردوده کی ضابطانک یک چوغنی وظائف عسکریه

ایله توغلدن ، قیمت حربیه لرینی تزیددن صرف نظر ایده رک
سیاسی پروپاگاندا لر و سائرله ایله اشتغال ایتدیلر .

خلا فکیر زمره سیاستده عینی طریق طوتدی . اردوده
مقابل سیاسی جریانلر باشلادی . تعلیم میدانلرنده ضابطان ،
عسکرک تعلیمنه صرف ذهن ایده جککری یرده ، چاوشلار
عقللرینک ایردیکی مرتبه ده عسکرله اوغراشدیلر و ضابطان
سیاسی مباحثه لرله اشتغال ایتدیلر .

ظاهراً اردونک سیاستله اشتغالنه نهایت ویریلیسی ایچون
صرف مساعی ایدیلیور کبی ایدی . حتی ۱۳۲۶ سنه سی صوک
بهار مانورلرینک تنقیدات رسمیه سی بیله بونی آمر ایدی ؛
فقط بو فکرک تطبیقات فعلیه سی اولماقدن باشقه بالعکس بعض
تشویق آمیز معاملات غریبه بردوام قالدی . نهایت ۱۳۲۸
سنه سی یازنده خلاصکار ضابطان نامیه مخالف برغروپک تشکلی
اردونک سیاستله اشتغالنه قارشو بر قانون احداثه مجبوریت حاصل
ایتدی ؛ فقط آرتق پک کیچ قالمشدی

۱۳۲۶ سنه سی موسم شتاسنده یمن بحرانی شدت پیدا
ایتدی . اردونک قوه مؤظفه سندن مهمجه بر قسم ، کزیده پک
حوق ضابط و بالخاصه اردونک دماغی اولان ارکان حربیه عمومیه
رئییی یمنه کوندریلیدی . ایشته اوزماندن اعتباراً بزم ایچون
بالقان حربینک غائب اولدینی آنه قدر دولت عثمانیه اردوسی
دماغندن جدا دوشدی . اردو بر بو حوق سنه ارکان حرب

رئیسندن محروم اولارق یاشامش ونهایت بالقان حربنده درت بش آی مقدم ایکنجی اردو مفتشی وکالة مقام ریاسته کتیریلشدی... حال بوکه بو اوزون مدت غیوبت زماننده ، ارکان حربیه رئیسک پک مهم وظیفه لری متروک قالمشدی ..

۱۳۲۷ سنه سی بدایتنده تنسیقات جدیده نک تطبیقنه باشلاندی. اردو اسکی شکانی کاملاً غائب ایدیور وپک یکی و صرف مو- ظف قطعات نقطه نظرندن جداً پک قیمتی بر ترتیب اکتساب ایله یور ایدی ؛ فقط ردیف وایکنجی صنف ردیف قطعاتنک تنقیصی کمیت و تزید کیفیته اعتنای کوستیرر هیچ بر تدبیر موجود دکلدی . ظن ایدیلوردی که ، کاغد اوزرنده منتظم اشکال ایله اراه ایدیلن بور دینف، بالخاصه ایکنجی صنف ردیف فرقه لری بر قیمت حربیه یی طأزد رلر و تصادف ایتدکلری دشمن قوتلرینی تارومار ایده جکلر !.....

مع التأسف یکی تنسیقاتده تشکیلات قدیمه نک اک بیوک قصوری اصلاح ایدیله مشدی. ینه غار نیزونلر روم ایلی یه دولدو- رولمشدی. حال بوکه هر غار نیزون سفر بر لکنی اکال ایده جکی ، سفر بر حاله کچمک ایچون کندیسنه لازم اولان اکال افرادی ووسائط نقلیه یی تدارک ایله یه جکی منطقه ایچریسنده بولونمازسه سفر بر لکنک صوک درجه ده تأخره و تشویشه اوغرایه جنی آرتق بوتون عالم عسکری ده بر حقیقت ریاضیه حالنی اکتساب ایتشدی. کرچه روم ایلی و آناطولینک دکیزله یکدیگرندن آیریش بو-

لومئاسی حسیله آناطولیده کی قطعاتک روم ایلی یه نقلی ایجه کوچ
 و تجمعتک اوزون سوره جکی بدیهی ایدی . فقط بو مشکلاتی
 بالخاصه مرمره حوضه سنده نقلیاته مخصوص ایکی دوزینه کو -
 چوک واپورانشا ایتدیرمکه اقتحام ممکندی . خصوصی بر پلانه
 کوره انشا اولوناجق بو واپورلرایچون یالکیز بردفعه (۵۰۰,۰۰۰)
 لیرا صرفی کافی ایدی . بو پاره ده (۹) میلیون لیرالق حربیه
 بودجه سنده بویوک بر یگون تشکیل ایده مزدی . بوندن باشقه
 تجارت بحریه او قدر ثمره دار ایدی که بر قاچ سنه صوکر ا بو
 واپورلرک اثمانی هر حالده چیقارمق ممکندی .

حال بو که غارنیزونلری روم ایلی یه دولورمقله قازانیلان شی
 انسانسز و حیوانسز بر آلائی مالز مه دن عبارت ایدی که نتیجه ده
 بومالز مه ، سفر برلک و تجمعتی سریعاً ا کمال ایدن دشمنلر مزک
 اللرینه دوشه جک ایدی . ایلك یورغونلقلر اوزرینه قطعات
 یکدیگرینه قاریشه جق و آناطولیدن کله جک ا کمال افرادی
 و وسائط نقلیه آرتق بردها قطعه لرینی بولامیه جقدی . بو حقیقت
 حربدن صوکر ا تحقیق ایتمش بر نظریه دکلدی . بو ، بالخاصه
 (آلمان - فرانسه) حربندن صوکر ا تمامیه تبین ایتمش بر قاعده
 علمیه ایدی . حربدن اول بزم محافل عسکریه مزده ده موضوع
 بحث اولمش ایسه ده مع التأسف قبول ایدیله مشدی . نهایت
 بالقان فلاکتندن صوکر ا بوقاعده یه مراجعت ایدیلدیه سه ده ، نه
 یاپالم که ، بو تجربه پک بهالی ، پک آجیقلی وقائی اولمشدی .

ردیف مفتشلىكلرى تەقسىماتىلە اردو مفتشلىكلرى تەقسىماتى دە
 بىر يەنە توافىق ائىمە يوردى . تەبىر دىكلە ھەر قول اردونك
 مەين براخند عىسكر وسفر برك دائرەسى ، منطقەسى يوقدى .
 وقت حىزىر دە ردیف فرقلەرىنك قادىرلىرى اخند عىسكر معا .
 ملائىلە اشتغال ايدىيورلردى . ردیف فرقلەرىلە قول اردو ويا
 موظف پىادە فرقلەرى بىندە ھىچ بىر مەنسەبەت موجود اولما .
 دىغند ردیف ضابطانى وقت حىزىر وظائف حربىيە تەماملە
 بىكانە قالىيورلردى ؛ كذا ردیف فرقلەرىنك مەقدارىلە موظف
 پىادە فرقلەرىنك مەقدارى آراسىدە بىر آھەنك موجود اولمىدىغند
 سفر بىلكدە ردیف فرقلەرىنە سوارى ، طوپچى وسائرە كى
 صنوف معاوونەك توزىع وتەقسىمەندە مشكلات تەحدث ايدەك
 وبويوزدن مەين بىر نظام حربىك مەحفەزەسى غىر مەمكن اولاجقدى .
 ردیفلىك شو محذورلىرى سەنەلردن بىرى ارباب علم وفن نظرنە
 معلوم اولدىنىى حالە تەنسىقات جەدەدە محاذىر مذكورەنك
 ازالە سەنە توسل ايدىلە مشدى .

پاى تەختە بولونان اسلحە و مەھمات حربىيە فابرىقەلىرى
 درجە كافىيە پىادە فەشنىكى اعمال ايدە بىليوردى . دور مشرو .
 طىتە پىادە ايچون سيورى قورشون قبول ايدىلەمش ، فەشنىك
 فابرىقەسنىك بوكا كورە اصلاخە ھەت اولونمىشدى ؛ تەفەك
 نشانكەھلىرى بو قورشونە كورە تەدىل ايدىلەش و ھەن تەكمىل
 جىبخانە بو يىكى فەشنىكە تەدىل ايدىلەشدى ؛ فقط بوتون بو ھەتلىر

اردونك ظاهرى اصلاحاتى زمرەسىدىن ايدى . بوقورشونلىرى
تەشكىلى قولىلاناجق انسانلار اوسويە چىقاريلماقدىن سوڭرا
اونلار كىتاش وصالپاندىن فضلە قىمىتى يوق ايدى . ناسىل كە اوزم
سيورى قورشونلى ، كوزل كىنىش عىسكىرلەرنى عادى قور-
قورشونلى ، نقصان تەجىزاتلى بولغار عىسكىرى پايتخت قايتىلىرىنە
قور سورۇپ كىتىرىشىدى

خاقان مەخلۇع زاماندا فەشنىڭ فابرىقەسىنىە سىرف ايدىلىن
ھەت تەپە و طوپ مەرمىسى فابرىقەلىرىنە سىرف ايدىلىدىكىندىن
طوپ مەرمىلەرنىڭ اعمالاتى مەھارە سىرفىياتى تەلافى ايدەجك در-
جەدە دىكل ايدى . انقلاب سىياسىي مەتەاقب بوقىصور تەشەش
ايدىلەدى ؛ ھال بۇكە طوپ ، تەشەش و كىنىش خارچىدىن تەداركىلە
بونلار سىرف ايدەجكلىرى جەبەخانەك و بىردىجەيە قور كۆمۈرك
خارچىدىن تەداركى بىنىدە پىك بويۇك فرق واردر . ھىرب ائىناسىدە
سىرف اولوناجق جەبەخانە ، مەھمات ، ارزاق و سىفر بىلىكە
تەداركى ضرورى وسائىتلىقەي كىندى مەلىكىتىدە اعمال و تەدارك
ايدەمەين مەلتەر مەلئاسف تەباتكارانە بىر ھىرب اچراسىدىن و بىئە
علە مەھافىظە استىقاللارنىدىن آمىن اولامازلر .

اىتالىا ھىربىنك اوزون مەدت دىوامى غەربى اورۇپادىن مەھمات
ھىربە تەداركىندە مەشكلات ھىصولە كىتىرىشىدى . مۇجۇد طوپچى
جەبەخانەسى آنچۇق بىر اىككى مەيدان مەھارەسە كافى ايدى . مەھافل
عىسكىرىە طوپ باشە بىك مەرمى ھىساب ايدىيور و بونى بىر ھىرب

ایچون کافی کوریوردی . حال بوکه ، زمانمز حربلرنده میدان محاربهرلی اوچ درت کون امتداد ایدیور ! اکثر باطاریه لر کونده لا اقل طوپ باشنه ۴۰۰ مرمی صرف ایدیورلر . (روس - ژاپون) حربی میدانده ایدی . یالکیز موقعدن میدان محاربه سنده بعض ژاپون باطاریه لر طوپ باشنه ۵۰۰ مرمی صرف ایتشاردی . شو حالده طوپ باشنه بیك مرمی بر ویاییکی میدان محاربه سنده توکهنیر . اگر حکومتک فابریقه لر بو ائنده صرفیات واقعه یی تلافی ایده جک درجده مرمی اعمال ایده بیایرسه اوزمان وقت حضرده طوپ باشنه ۱۰۰۰ مرمی حاضر بولوندورمق کافیدر . بومسئله ده حربدن اول برقاچ دفعه موضوع بحث اولمش ایسه ده زمانمز حربنه غیر واقف رجالک مظهر تقدیری اولاماشدی ؛ فقط بالآ خره اردو بالقان حربنده طوپچی جبخانه سنجه بویوک صیقینتی یه دوچار اولدی ؛ ده پولرده موجود طوپچی جبخانه سی (لوله بورغاز) میدان محاربه سنی متعاقب بیتمشدی . برکت ویرسون که ، حربک بدایتنده همان ایتالیا ایله صلح عقد ایدیلرک آلمانیا ده احضار ایدیلش اولان طوپچی مرمیاتی رومانی طریقله جلب ایتک ورنجی چتالجه محاربه سنک صوک کونلرینه یتشدیرمک قابل اولدی . اگر رومانی مساعد بیطرفلق کوسترمه سیدی نه اولاجقدی ؟ . . .

اعلان مشروطیتی متعاقب اغتشاشلرک کیله جکی ، اردونک

منحصراً حربه حاضر لامق ایچون وقت بولاجنی ظن اییشدی؛
 حالبوکه ، بالعکس دور مشروطیتده وقوعه کلن اغتشاشلار دها
 چوق و ضیق اولدی . اردوینه ژاندارمه خد متندن قورتولامادی؛
 عینی زمانده خاتان سابق دورنده قولالانیلان سقیم اصولده باقی
 قالدی : عصیان تأدینه مأمور اولان قطعات سفر بر اولمادان
 سوق ای دیلیوردی . بواصولک بر حرب ظهورنده نه قدر وخیم
 تشوشتای موجب اولاجنی تأمل اولونماوردی .

وقت حضرده کی اردو آنجق بر مکتب ، سفر بر اردو
 ایچون بر اساسدر . هیچ بر زمانده بر اردو حضری حالیه
 بر قوه حربیه ، بر قوه سفریه تشکیل ایده هنر . حال صلحده
 قطعات غایت ضعیف موجود لیدرلر . بونلر حال حضریده
 عصیان تأدینه مأمور اولور لر سه هر طابور آنجق ۱۵۰ : ۲۰۰
 تفنک غوغایه صوقایلیر . شو حالده بر محله ۱۰,۰۰۰ محارب
 سوق ایده بیلسک ایچون ۵۰ طابور عسکر کوندر مک لازمدر .
 حال بوکه سفر بر حالده بر فرقه ، ۱۰ طابور عسکر بو موجوده
 تقابل ایدر . بوندن باشقه عصیانک تأدیی اثناسنده بر حزب
 ظهور ایدر سه بو الی طابور عسکرک سفر بر لیکاری کاملاً
 قاریشیر ؛ چونکه اونلرک سفر برلک پلانلری معین اولان
 غارنیزونلرند قالدیرینه گوره تنظیم اولونمشدر . او طابورلری
 عصیان خلندن قالدیروب غارنیزونلرینه کتیر مات بعده سفر بر
 یایمق یک چوق زمان ضیاعنی مستلزم اولور . بعضاً احوال

حربيه عصيان مخلنده قالمالريني ده ايجاب ايدم بيلير. ايسته بالقان
حربنده برنجي فرقه نك و يمنده كي قطعاتك حالي شو خصوصه
برر آجي مثالدر. حال بوكه عصيان تادييه مأمور قطعات سفر بر
اولارق سوق ايديلير سه هم آز جزؤ تام يورولور؛ هم بر حرب
ظهورنده سفر برلك تشوش ايتمز ؛ هم ده عصيان مخلنده قالمق
لازم كلير سه آز جزؤ تام حرب اشراك ايمه مش اولور. بواسولك
يالكز بر مخدوري واردرك اوده قوه تادييه نك سفر برلكي
حصيله مصرفك ترايدي واحتياطلرك سلاح آلتنه حليدر ؛
فقط آز مصرفله عصيان تاديي ايدم ديركن مدافعه وطنك
تهلكيه دوشه جكني اصلا خاطر دن چيقار ماق لازمدر .
توركلك عسكرلكي عصر لردن بري معروفدر. بوشهرت
تورك عسكرينك جسارتندن ، قناعتندن ، متانتندن انبعاث
ايد يوردى . بو خاصه لرك ينه عسكر مزده موجود اولديغنه
شبهه ايمه مليدر . تورك عسكرى جسور ، قناعتكار و متين
ايدى ؛ بو عسكر ينه او جسارتنى ، او قناعتنى و متانتنى غائب
ايمه مشدر ؛ هر زمان ابرار ايدم بيلير ؛ بز ، بوكونكي توركلك
ويانه اوكلرنده آت اوينسادان ، ويانه قاپولرينه (يارب بزى
تورك لردن محافظه ايت) ديه يازديران جدلر مزك اوزاولادى يز ؛
وارنه ، نيكمبولى محاربه لريله بوكونكي بولغارستانك وجودينى
قالديران ؛ قوصوه اوواسنده ، آمز دل صحراسنده ايكي دفعه
صرب اردوسنى محو ايدرك صربستانك نامنى تاربخدن سيلن

ترکلرک احفادی یز . بز اوتاریخلری ینه یاشادایلیرز ؛ فقط
بزم قلنجلرمن بر عصقلق سوء استعمالدن پاصلامش ، باروتمز
نم آلمشدر ؛ جسامتمز ، قناعتمز ، متاتمز ینه موجوددر .
فقط اویوشمشدر ؛ یالکیز برشیئمز اکسیلمشدر : اوده علو
همت وعزم صاحبی رجامز ...

بز تورکار ، بزه دلالت ایده‌جک ، اوکمز دوشوب حسن
مثال اولاجق ، زمانمز اصول حربی اوکره‌ته‌جک ضابطلر
وقوماندانلرک الی آلتنده بولندجه و تربیه اولدجه همان‌واپاسلری
سیلر ، نملری قورودور ، اویوشوقلقلری سیلکر و شانلی
اجدادمزک بوتون مفاخرینی تکرار ایده‌رز ؛ وایتدک . ایشته
طرابلس سفرنده ، بالقان حربنده بونجه خطالر ، ذلتلر میاننده
ینه کوکسمری مفخرت ایله‌قاباردان شانلی قهرمانلقلرک موجودیتی
بوکا دلیدر .

اسکی تورکارده منفرداً برر قهرمان دکادیلر ؛ فقط
فداکار و متین ضابطلرک ، قوماندانلرک الی آلتنده هیئتلر وجوده
کتیرنجه ، بونلرک هریری برر سیار قلعه‌آهنین ، اکثریا برر
کتله‌رعدو برق تشکیل ایدیورلر و قارشیلارینه کچملری زیر
وزبر ایدیورلردی . اوزمانک عسکرلکی فداکارلق و متانتدن
باشقه آتہ بینمک وقیلنج اوینامنی کافی بولیوردی . بونسله‌برابر
ینه اسکی تورک اردولری حضر زماننده متمادیاً تعلیم و تربیه‌دن ،
جرید اوینامقدن حالی قالمایورلردی .

رکونکی عسکرلک ایسه برفن ، برصنعت حالی آلمشدر .
 پک چوق شیلری متمادیاً تعلیم و تحصیل ایتک لازم کلشدر .
 ایشته بز بونلری اهل ایتدی کمزدن قلنجمزی پاصلاتدق ،
 باروتمزه نم قایدیردق . تحصیل ، تعلیم و تربیه اهمیت ویرمد-
 یکمزدن دولای فداکار و متین ، صنعتده ماهر ضابطلر
 وقوماندانلر یتشدی رهمدک .

ترقیات فیه عسکرلکی ، حربده مظفر اولغی پک نازک بر
 حاله قویمشدر . بو کون مظفر اولق ایچون فداکارلق و متانتله
 برابر ، بر اقتدار علمی ده لازمدر . بو اقتدار علمی اردوی
 تشکیل ایدن هر فردک موقعنه کوره تحویل ایدر . بر پیاده نفری
 ایچون اقتدار علمی : ای یورومک ، تفشکنی ای قوللانمق ،
 اراضیدن استفاده ایتک و متمادیاً دشمنه دوغرو تقرب ایدرک
 نهایت سونکوی اونک کوکسینه صابلامقدن عبارتدر . بر ضابط ،
 بر قوماندان ایچون اقتدار علمی : معیتته ویریلن افرادی ،
 قطعاتی ای یورومتک ، ای بسلهمک ، دشمنی دائماً تدارکلی
 قارشیلانمق ، اراضیدن استفاده ایتدی رهمدک ای ترتیبات آلق ،
 ینه عسکرله برابر یورومتک ، دشمنه دوغرو تقرب ایدوب اونی
 محو و پریشان ایتمکدن عبارتدر ؛ فقط بیلیر میسکرکه ، بو بر قاج
 کله ایله خلاصه ایدیلن شیلر نه قدر اوقومغه ، اوکر نمکه ،
 چالیشمغه و چالیشدی رهمغه محتاجدر ؟ بونلر آنجق وقت حضرده
 کیجه لی کوندوزلی تعلیم و تربیه ایله ، نظری و عملی چالیشمق

ایله اکتساب ایدیلیر . . .

یالکیز عسکر مزك فداکارلق و متانتنه کووه نه‌رك وقت
حضر تربیه و غیرتنك لزومسز اولدیغنه، بو عسکرله خارق‌العاده
ایشلر و مانورهلر یاپیله‌جغنه حکم ایتك نه قدر مضر برفکر،
بر قناعتدر. نته‌کیم طرابلس مدافعه‌سندن بویله سقیم نتیجه‌لر
استخراج ایده‌رك کندیمری آلداتمش ایدك: تعلیم و تربیه‌سی
مفقود و یا پك جزئی عسکرله آنجق، باشلرنده صاحب
عزم و متانت و فداکار ضابطان بولونمق شرطیله، مدافعه حربی،
موضع‌مستحضر و قلعه مدافعه‌سی اجرا ایدیله‌بیلیر. یوقسه بونلر
برنجی خط عسکرى اولارق قوللانیلاماز و بونلرله هیچ بر
مانورده یاپیلاماز. بو قاعده اوتهدن بری فن حربجه معلوم و
پك آجی تجربه‌لرله مثبت‌ددر. (۱۸۷۰) سنه‌سنده فرانسلرلك
وقتیله دعوته اجابت ایتمه‌یلردز، معینسلردن (تعبیر مشهوریله
اسناز تجاوزلرندن)، کولکلیلردن (غاردمو بیل - قوه سیاره)
نامیله تشکیل ایتدیگری اردولرک، عددجه آلمان قطعاتنه فائق
اولدقلری حالده، ناصل پریشان اولدقلری و برقاق هفته ایچر-
یسنده ناصل اریسوب محو اولدقلری معلومدر. مع‌التأسف
اعتراف ایده‌لم که، اردومن تاریخك شو قانلی وفلاکت انکیز
صحیفه‌لرندن عبرت آمادی و بو جنس عسکرى متماًدیاً برنجی
خط عسکرى میاننده حساب‌ایتدی و قوللاندی. عینی عسکرک
بو دفعه‌ده ادرنه، اشقودره و یانیه‌ی ثباتکارانه مدافعه ایتسنه

مقابل صحرا محارباتنده ایقاع ایتدکاری فلا کتله کورولدی .
 ۱۶ سنه اول یاپدیغمز یونان حربی کرچه قازانمشدق ؛ فقط
 نه کی شرائطله قازانایلدیکمزی ارباب فن بیلیر . ده اوزمانده
 اردونک تعرضی حرکات اجراسنه مقتدر اولمادینی ، مانووره
 اقتداردن محروم اولدینی ، افراد وضابطانک دوردقلری یرده
 بوشنه تفنک آتمقدن باشقه برشی بیلمدکاری ، قوماندا وارکان
 حربیه هیئتلرینک کلیاً جاهل و بی بهره اولدقلری تبین ایتشدی .
 غولچ پاشا حربی متعاقب نشر ایتدیکی کتابیله بو احوالی کمال
 نزا کتله اردومزه آکلاتمق ایسته مشدی ؛ فقط آ کلامق دکل
 عجبا او کتابی قاچ آدم او قودی ؟ ده السانمزه بیله نقل ایدله .
 مشکن انحق کچن سنه بر صاحب همت بو بویوک نقصانی
 قاپادی [*] .

فن حربک بدیهیاتدن معدود اولان شو قواعدندن بر
 عصری متجاوز بر زماندن بری تغافل ایتدیکمز جهتله تاریخ
 حربک صوک عصر وقایعنی حاکمی صحیفه لرینه آنحق سلیستره ،
 پلونه کی شانلی مدافعهلر قید ایتدیره بیلمش ایدک و بو حال
 عثمانلی عسکرینک یالکیز مدافعه حربنه ، هر طرفی قاپالی بر محله
 جسورانه و ثباتکارانه بر صورتده حرب ایتمک الویریشلی اولدینی
 فکرینی ، زعمنی تولید و تعمیم ایلهدی ؛ حال بوکه بو قیمت حربیه جه

[*] عثمانلی - یونان سفری — مترجمی : یعقوب شوقی بک —

حربیه مطبعه سی - ۱۳۲۷ .

پك ياكش بر حكمدر. اساساً انسان مالزمه سي پك چوق ملتلك غبطه ايده جكلري درجه ده خواص حربه يه مالكدرد؛ فقط كرك قوماندانلرده وضابطانده ، كرك افرادده معلومات واقتدار عسكرينك فقدانى ووقت حضرده كچه لي، كوندوزلى قطعاتك تعليمنه ، ضابطانك توسيع معلوماتنه غيرت ايدله مسي اردونك موفقيتنه صحرا حربى اجرا ايده بيله جك درجه يه كلمه سنه مانع اوليور. حالا مكتب حربه دن تعليمنامه يي او قوديني زمان آ كلاميان ضابط يتيشيور. شو قصورلر بر طرف ايدلسه ايدى، شانلى مدافعه لره خارقه نوغدن سوق الجيش مانورده لرى، موفقيتله تتوج ايتمش ميدان محاربه لرى علاوه ايتديره بيليردك وايتديره بيليرز . . .

جهاد و شهادت صورتيه دين مابين اسلامك اردومزه بخش ايتديكي معاونت معنويه بي نظيردر؛ فقط خرسيتيانلرك وموسويلرك اردويه قبولى شو معاونت دينه دن لزومى درجه - سنده استفاده يه مانع اولمشدر. اك بحرانلى زمانلرده افرادك غيرت دينه لرينى تهيج ايدرك ثبات وفداكارلق ابراز ايتلرينى تأمين ايتك ممكن ايكن افراد مسلمنه آراسنده خرسيتيان وموسويلرك موجوديتى بوكا مانع اولمشدر .

دشمنلر مزك عسكرلرينى تهيج وتشويق ايجون سفر برلكده عادتاً يكرمىجي عصر ك اهل صليب سفرى كشاد اولنيور مشجه - سنه بياننامه لر نشر ايتلري بزم افراد غير مسلمه يي مجاهددين

اسلامیه میاننه ادخال ایتمکله کمزه قارشی نه آجی، نه قدر عبرت آمیزدر. حربده مغنیاتک اهمیت عظامی بیدار وبالقان حربی فلاکتیه ده تأید ایتمش اولمغه آتیا دیمزک مظاهرتدن تماماً استفاده ایچون افراد غیرمسلمه یی منحصراً اطفائی طابورلرینه، صنایع طاقملرینه، نقلیه وتلغراف قطعاتنه، ژاندارمیه وبحریه نك بعض خدماتنه تخصیص و اعطا ایتمه لی ؛ وبورالرده دخی وطنپرورلکه مغایر بر حرکتده بولونمالرینه مانع اولمق ایچون افراد مسلمه ایله عینی نسبتده بولوندورمالیدر؛ بونکله برابر بدل عسکری یی دخی مکلفیت عسکریه نك دوام ایتدیکی ۲۰ ویا ۲۵ سنه ظرفده هر سنه تأدیه ویا تحصیل اولونمق اوزره آیده فرضا یارم لیرا کی بر عسکری ویرکوحالنه افراغ ایتمه لی؛ شو صورتله بدل ویرمکی تسهیل ایدرک هم وارداتی تزیید وهم بالفعل مدافعه وطن فکريله علاقه دار اولمایان قیلری اردودن اوزاق طومالیدر .

خلاصه، اردونک اسلحه و تجهیزاتاتی دشمنلرمزه نسبتله حقیقه بر ایمراطورلغه ، پادشاهلغه لایق درجه ده ای ایدی. تفنکلمز وسریع آتشی طویلرمز دشمنلرمزک کیلر قدر مکمل ومقداری ایسه دها چوق ایدی. البسه وآیاق قابی خصوصیه ینه دشمنلرمزه نسبتله پک مکمل ایدی. یالکمز درت سنه دن بری آلمان تخصیصات عسکریه کاملاً ماوضع لهنه صرف ایدیلمه دیکندن، موظف پیاده آلایلرینک ماکنه لی تفنکلی

اتمام ايديله مەش ايدى؛ اكك ساجلرى ترك ايدىكى حالده
هنوز سيار مطبخلر آله مامشدى؛ حيوان موجودلرى غايت آز
ايدى. حال بوكه پك چوق لزومسز مصرف و مأموريتلر لغو
و تخصیصات حسن اداره ايدلسه ايدى ، بونلرك هپسنى اكال
ممکن ايدى [*].

هيئت ضابطان متجانس دكل ايدى. صورت عموميه ده
ضابطانك يتيشديريله سنه لزومى درجه ده اهميت ويريله يوردى .
وظيفه لرینه بحق واقف ، غيور وفدا كار ضابطان موجود
اولمقله برابر اهليتسزلرده پك چوق ايدى . صوك سنه لرده
آلمانايه ايجه ضابط كوندريلش ومتباقيسنك ده توسيع معلومات
ايچون پك چوق آلمان ضابطانى جلب اولونمشدى. اولجه ده
يازىلدىنى اوزره متعدد مكاتب و تعليمكاهلر آچىلارلق ظاهرأ
ضابطانك توسيع معلومات و ترميد اقتدارلرینه غيرت ايدىليوردى؛
فقط مكافات و تجازاتك بحق اجرا ايديله مسى ، چالیشانلرك
تشويق و تلطيف ، چالیشانلرك تجزيه و اخراج ايديله ملرى
ثمرات مفیده استحصالنه مانع اوليوردى . ارکان حربيه هيئتى
عهده سنه ترتب ايدن وظائف جديده ايله متناسب دكلدى. ارکان
حربيه ضابطانك توسيع معلومات ايتلىرى ايچون منتظماً نه

[*] مثلاً بو کون بيله ژاندارمه افرادينك قاصاطوره لرینه ماويل
قيرمىزىلى پوسكول طاقاجغمزه بو پاره يى باشقه برخيرلى بره صرف
ايتك دها معقولدر .

حرب اویونلری، نه تعیه تطبیقاتلری ونه ده ارکان حربیه سیاحتلری پایلما یوردی؛ قطعاًله تماس واشتغاللری همان یوق کی ایدی . بیوک قطعاًنی سوق واداره ایده جک ، حرکات جسیمه حربیهیه واقف قوماندا هیئتلری تمامیه مفقود ایدی . بعض ساخته شهرت لک ماهیت حقیقیه لری ده بو حرب اثناسنده تمامیه تظاهر ایتدی . اردونک اک کریده وفدا کار ضابطلرندن چوغی یمنده ، طرابلس غرب وبنسازیده بولونیسوردی . آنا وطنده قالان ضابطان ایسه وظائف عسکریه دن زیاده اختلافات سیاسییه ومسائل داخلیه ایله مشغول اولیورلردی .

ایشته حرب حاضرلری بو درجه ناقص اولان بر اردودن بیوک موفقیتلر انتظار عبثدی .

بحریہ یہ اہمیت و یرمہ مک

خاقان سابقدن مدور فوؤ بحریہ نک کهنه، قیمت حربیہ سی
 غایت آز برقچ کمیدن عبارت اولدینی هر کسجه معلوم ایدی .
 کچن یونان حربنده خلیجده کی هیولالارک چاناق قلعهده
 قالدققرینی کورونجه ، خاقان سابق بحریہ برآز عطف دفته
 باشلامشدی . اردویہ آلدینی سلاح وجبخانه نسبتنده بحریہ یهده
 برقچ یکی کمی تدارک و اسکیلردن بعضیلرینی ده تعمیر ایتدیر-
 مشدی . تدارک اولونان یکی کیلردن حمیدیه و مجیدیه اسمنده کی
 ایکی قرووازورله فرانسهده یایدیریلان دوت طورپه دو مخربی
 حقیقه ای ایدی ؛ فقط ایتالیا دان مبايعه اولونان طورپه دو
 بوطلرله آلمانیا دان آلمان پلنک دریا، پیک شوکت ، برق سطوت
 اسمنده کی طورپه دو قرووازورلرینک همان هیچ بر قیمت
 حربیہ سی یوق ایدی . سرعتلرینک آزلی آنجق غانبوط
 وظیفه سی کورمکه مساعده ایدیور ایدی . اسکی کیلری تعمیر
 ایچون صرف ایدیلن پاره لره کسجه بونلر بوس بوتون بیهوده
 مصرف ایدی . هیچ دوشونولموردی که ، بالخاصه بحریهده
 کهنه جیلک پک مضر دی . دول اجنیه ۲۰ : ۲۵ سنه لک

کیمیلرینی تقاعداید رکن بزم ۴۰ سنه لک کیمیلری تعمیره، اصلاحه
قالقیشماز پک کولونجیدی .

۱۰ تموز ۱۳۳۴ انقلابی متعاقب اردو کبی دونمناک ده
احیاسی لزومی تسلیم اولونیوردی ؛ هان انکلتیره دن بر آمیرال
ایله بر قاق بحریه ضابطی کتیریلدی ؛ و موجود اولان کیمیلر
حال فعالیتیه صوقولار ق تعلیم و تربیه یه باشلانیدی . انکلیز آمیرالی
(غمبل) بحریه مزه پک بویوک همترل صرف ایتدی ؛ اونودولماز
خاطرملر ، اصوللر بیراقدی . هر حالده دونما اردودن ده
سالم بر اصول ایله احیا اولونیوردی .

آمیرال (غمبل) موجود کیمیلرک ایچنده آنحق ایکی
قرووا زور ایله درت ده سترویه رک ایشه یارایاجغنی دیکر لرینک
قیمت حربیه لری پک دون اولدیغنی آکلامقده کچیکمه دی .
کر چه تعلیم و تربیه ایچون موجود کیمیلرک کافه سنندن استفاده
ایدیوردی ؛ فقط استقبال ایچون حاضر لایمق لزومی ده آشکاردی .
ایرکیچ کرید مسئله سنندن دولایی یونان ایله حرب ایتک احتمالی
قوی ایدی . بونک ایچون بر قاق سنه ده انشا ایتدیریلک اوزره
بر بحریه پروغرامی ترتیب ایتدی و حکومت ویردی . پروغرام
بویوک بر مصرفی استلزام ایتدیکسندن قبول اولونمادی . ایکنجی
بر معتدل پروغرام یاپدی ؛ هر نه دنسه اونی ده قبول ایتدک .
بحریه نک اصلاحی ایچون واقع اولان بعض تکالیفی ده رده
دوچار اولدیغندن ناموسلی آدم ، « سزک ویردیککز پاره یه ده

لغت اولسون » ديه رك قالقدی كيتدی وتكرار انكلتره بحريه سنه كيره رك انكلیز بحر سفید فیلوسی قوماندانلغی در عهد ایتدی . ايشته بز بو پك دكرلی آدمی غائب ایتدكدن صوكر ا بردها بحريه مزده صلاح بولامادق .

حکومت هر نه دن ايسه بحريه قارشى غريب بر طرز حرکت تعقيب ایتدی . اردو ایچون نقداً چوق فداكارلقد بولوندى ؛ بحريه بالعكس قيصقاندی . اردوده تعلیم و تربیه دن زیاده مالزمه تدارکنه اهمیت ویریلدی ؛ بحریه ده بالعکس وسائط حربیه تدارکندن زیاده تعلیم و تربیه همت جهتنی ترجیح ایتدی . کرچه بز دول معظمه بحریه لریله هیچ بر زمانده بوی اولچوشه میه جکدک . قوتلی بر بحریه آنچق زنکین بر دولت ، ملت نائل اولایلیر . وقتيله یلکین ، اخشساب کمی دروننده برسهنده یکیدن بر فیلو وجوده کتیرمشدک ؛ فقط شیمدی الکتریک ، چلیک دورنده بویله برشیئه امکان یوقدی .

بزم ایچون مضر ، تهاسکلی قومشولرمزدن آنجق یونانک بر دونماسی وار ایدی . بولغار دونماسی هنوز رشیم حالنده ایدی ؛ موجود کیلرمن یونان دونماسیله قارشولاشاجق حالده دکل ایدیلر . حال بوکه یونان ایله پای ایدیه جک قوزمن وار ایدی ؛ بناءً علیه یونان دونماسنه تفوق لازمدی .

شبهه سز استقلال مملکتی تأمین ایچون دونمادن اول اردویی احیایه لزوم وار ایدی ؛ دونما پک آغیر مصرفی مستلزم اولدیغندن

وضعیت اقتصادیە من نقداً بویوک فداکارلقلردن چکینمکی ایجاب
ایتدیریوردی ؛ فقط بویلهدر دییه هیچ برشی یامامق موافق
دکل ایدی .

بر کره دونمایه لزوم وارمی یوقی ؟ محاکمیه بورادن باشلامق
لازمدر . بو قدر واسع سواحلی ، آطه لری طرابلس و یمن کی
مطلقاً بحری مواصله یه محتاج اقسامی بولونان بر مملکت ایچون
دونمایه لزوم یوق حکمنی کیمسه ویرمز . لزوم وارسه الک
آشاغی یونان دونماسنه تفوق لازمدر . چونکه بوندن باشقه
الک یقین ، الک بایاغی خصم بحریمز یوقدر . او یله بر خصم که
کندینه میال اولان اهالی ایله مسکون آطه لر مز و سواحلمز حقنده
پک خائنانه امللر بسلر .

بوندن باشقه مملکتده دمیر یولی یوق . یاپیلماسی ده ایچیه
زمانه متوقف .. سوریه ، یمن ، طرابلس کی اقسامدن هر هانکی
بردار الحربه قوه عسکریه سوقی قوه بحرینه نک معاونته محتاجدر .
آناطولی ایله ما کدونیا آراسنده اتصالات بحرینه نک محافظه سی
ینه بوقوته لزوم کوستیرر .

اکسیک حسابلر یاپیلارق الک یقین خصملر مز منفرداً
تأمل اولونورسه اوزمان یا کلیش بر حکم ویریلیر ؛ مثلاً بولغار ،
صرب و قره داغک قوه بحریه سی یوقدر . یونانک وارسه ده
اوکا قارشى برأ قوه قاهره یه مالکیز ؛ بناءً علیه شیمیدیلک
دونمایه عاجل بر احتیاج یوقدر دینیر ؛ فقط حقیقت بویله دکلدر .

بولغارلرله يونانك اتفاق ايتمسی ويا هر هانكي برسيدن بريسييله
 حرب ايدر كن ديكرينك انتهاز فرصت ايدرك كسندی پاينه
 اعلاز حرب ايتمسی حالنده وضعيت نه اولور ؟ نته كيم نه اولدی !...
 (دده اغاج - سلانيك) خطی كسييلهرك ماكدونيا ايله
 برأ ارتباط منقطع اولورسه يونانه قارشى سوق ايديلن قوت
 پريشان اولمازمی ؟

حتى يونان ايله قره داغ عینی زمانده بزه قارشى حرب ايتسه لر
 قره داغه قارشى ناصل سوقيات ياباچقدق ؟.. كوروليور كه يونان
 دونماسنه تفوق هر زمان ايجون لازمدی . بوتفوق عینی زمانده
 يونانی حرب ايتمكدن منع ايده جكدی . چونكه سائر بالقان
 حكوماتيله مشتركا حرب ايتسه ده قوه بحريه مركز يكانه هدفنى
 تشكيل ايده جكندن بويوك ضررلره دوچار اولاجق ایدی .
 گرچه دول معظمه دن هر هانكي بريسييله حرب حالنده
 عینی محاذير موجود ایدی ؛ فقط اونلره قارشى تفوق امكانی
 شيمدی موجود اولماديكى كې اونلرله حرب احتمالی بالقان
 حكوماتيله اولدينى قدر قوی دكل ایدی . دول معظمه دن هيچ
 برينك بالقان حكومتلريله تشريك مساعی ايدرك بزه قارشى
 برلكده حرب ايتلمی مختمل دكل ایدی .

اردويه ويرديكمز ميليونلرله هيچ اولمازسه هر سنه برميليون
 ليراسنى انشات بحريه صرف ايتسه يدك، بوكون ألمزده لا اقل
 ايكي دريدناوت اولور ایدی .

امور بحریه ده طو تدیغمز سقیم اصوللردن بری ده اردویه
منسوب برذاته بحریه نظارتی تفویض ایتمکدر. عجبا بواسولک
تطبیق اولوندیغی دیگر بر مملکت دها وارمیدر ؟ آمریقاده ،
انگلترده ، فرانسه ده سیویللردن بحریه ناظرلغی ایفا ایدنلر
وارسه ده هیچ بر جنرال آمیرال موقعنه کیمه مشدر . اوندن
باشقه او مملکتلرده اکثریا حربیه نظارتی ده سیویللر طرفندن
درعهده اولونمقده در .

هر حالده مسلک بحرینک کنديسنه مخصوص بیلنه جک
شیلری وارددر . باخصوص زمانمزده امور بحریه اردودن دها
زیاده نزاکت و مشکلات کسب ایتمشدر . شو حالده یونارک باشنه
کچرک ناظرک امور بحریه ده اختصاص پیدا ایتش اولماسی ،
بر آمیرال قدر فن حرب بحریه واقف اولماسی ، بر چرخچی
قدر ما کندلردن آ کلاماسی ، بر انشائی مهندسی قدر انشا آتی
تدقیق و تقدیر ایتسی لازمدر . عکسی تقدیرده آ کلامادینی
برایشده آ کلایانلر طرفندن اغفال ایدیلیر . طوغری مدعیات
ایله سقیم اصرارلری یکدیگرندن تفریق ایده مز ؛ حاصلی باشقه
سنک ایلله ابلک اولماز . اکر موجود ارکان بحریه آراسنه
ناظرلغه لایق اولانلر یوقسه دها کوچوک رتبه لیلر میانسندن
تفریق اولونابیلیر . هر حالده اردودن بر میرآلای ، بر میرلوا
کتیرمکدن ایسه بحریه دن بر میرآلای ، بر قلیون قپودانی کتیرمک
دها طوغروددر .

بحریه‌ده ، پاره‌سز ، اصلاح اولوناجق پك چوق شیلر وار ایدی . بوگون بيله دونمازده کی کمی عددیله غیر متناسب مقدارده بحریه ضابطی واردر . عجبا بونلرله قادرونی طاشیر - مقده ، بودجه‌یی قابارتمقده نه معنا واردی ؟ بو قدر کیرت ، جهالتی تمیزله مک ایچون غایت کوزل ، برواسطه دکلیدی ؟ بر کره دول بحریه استاتستیکلری تدقیق اولونورسه اونلرک افراد و ضابطانی آراسنده کی نسبتله بزم کیار آراسنده نه قدر بویوک بر فرق اولدینی و بزم افراد مزه ، کیلر مزه نسبتله درت مثلی فضله بحریه ضابطی بسله دیکمز تعین ایدر .

بوندن باشقه اردوده کوچوک ضابط نه قدر اهمیتی ایسه بحریه‌ده کوچوک ضابط ، کدکلی اوندن بر قاچ قات فضله اهمیتده در . بر کمیده ، زمانمز مخترعات فیه سنک مجھی اولان بر دریدنا وتده افرادک استبدال اولماسی ، ضابطانک تبدلیتمی کی حالاتده کینک حیات منتظمه دائمه سنی ادامه ایدن ، افراد و ضابطانک عجمیلکلرینی ازاله ایدن آنجق کدکیلردر . قوجه ۲۸ سانتیمتره لک طویک بهری بر آووج لیرا قیمتنده اولان مرمیاتی هدفه اصابت ایتدیرمک ، بوشه دوشورمه مک ایچون سنه لرجه او طویک باشنده خدمت ایتمش ، تاره تک هر دورلو خواص و نواقصنی آ کلامش ، حتی برایکی محاربه یامیش کدکلی نشانجیلره لزوم کو سترر . ایشته بو قدر لزومی اولان دائمی کوچوک ضابطان ایچون اساسلی هیچ بر تدبیر اتخاذا اولونمادی

بحریه ده موجود فضله ضابطان یرینه بوکدکلیلری تأسیس ایتمک
پک اعلا قابلدی .

۱۳۲۵ سنه سنده گرید مسئله سندن دولای یونان ایله بر
حرب احتمالی صوگ درجه قوت پیدا ایتدیکی زمان دونماهزک
ازهرجهت یونان دونماسندن آشاغیلغنه آرتق قناعت کتیریلشیدی .
موجود کیمیلر آنجق برموده ده کی اشیا کی کهنه وجشیدلی ایدی .
بزم بحریه مزده اوتهدن بری موجود اولان اک بویوک قصور
(عدم تجانس) در . برموده لده ، بریستمده برقاچ کی اندردر .
هپسی باشقه باشقه چشید تشکیل اید .

آمیرال کمپسی دییه قوللانیلان مسعودیه بولمه سز ، کوکورت
زرهی مفقود ، سرعتی غایت آز ، زرهی یکی مرمیلره قارشی
مقاومتسز برکی ایدی ؛ یالکیز ایچنده کی طویلر غایتانی ایدی ؛
فقط بر مرمینک آچاجنی رخنه ایله کهنک باتماسی پک ممکن ایدی .
زرهلی نامنی طاشیان دیکر کوچوک کیمیلر ساحل محافظه -
سندن ، تجار کیمیلرینه قارشی برقوت حربیه تشکیل ایتمکدن
باشقه برایشه یارامازلردی . بولملری یوق ، سرعتلری غایت
آز ، زرهلری غایت اینجه و مقاومتسز ، طویلری آز و اوافق
چاپده ایدی . بولملری و سرعتلری اولسه قرووازور مقامنده
قوللانمق قابلدی ؛ فقط بالخاصه سرعتک آزلنی دشمن دونما -
سنه قارشی هر درلو قیمت حربیه دن محروم اولمالرینی انتاج
ایدیوردی .

پيك شوكت، برق سطوت نامنده‌كى سفينه‌لره كننجه خارجاً كوردن قيمتلى برحرب كهيسى ظن ايدر ؛ فقط سرعتلرينك آزلقى بونلري ده دشمن دونماسنه قارشى برقيمت حربييه دن محروم براققده در. كندا پك چوق طورپه دو بو طرلر سرعتلرينك آزلغندن هيچ برقيمتى حائر دكلدرلر. بوسفينه لرك همانا اكثريسي آنجق ۱۴ ميل سرعت يابايله مكدن ايدى. حال بو كه بو كون زره دن محروم اولان كميلر ، محافظه لى قرو وازورلره طورپه دو سفاى ۴۰ ميلدن آشاغى سرعت سيره مالك اولورلر سه غانبو طلقدن باشقه برايشه يارامازلر .

الده ايشه يارايان آنجق حميديه ومجيديه نامنده كى ايكي قرو وازور ايله فرانسه دن آلتان برقاق طورپه دو مخربى ايدى . بونلرك ۴۰ : ۲۸ ميل سرعتلى وار ايدى . بر آزده مسعو ديه نك ايچنده كى غايت اى ايكي بو يو ك طوپ بو كه يه بر آرقيمت حربه ويرىوردى .

شوحالده اركان حكومتك دها انقلابى متعاقب حقيقتى كوز اوكنه كتيرملرى و « دونماز آنجق شويدى سكز پارچه كيدن عبارتدر ؛ ديكرلى وقت حضرده سوا حلك تأمين و محافظه سنه مخصوصدر » ديملى لازمدى ؛ بونى كنديلرى ديمه ديلر ؛ و آميرال (غه بل) ك اخطارينه ده اهميت ويرمديلر . يونانك موجود اوچ كوچوك زره ليسانك هر برى همان بر مسعوديه قيمت واعتبارنده ايدى . بوندن باشقه موجود سكز

طورپه دو مخربى بزمكىلردن هم بويوك هم دها يوللى ايديلر ؛
 بناء عليه يونان دونماسى بزمكنه اوچ مثلى فائقدى . بوحقيقت
 نهايت ۱۳۲۵ سنه سنده ، حربك محقق الظهور كورونديكى آنده
 تسليم اولوندى . ينه هر زمانكى خطا : اويومتى و آنجق تهلكه
 ظهور ايدنجه تلاش دوشمك

هان هر كسى بر تلاش استيلا ايتدى ؛ حاضر البسه آيلر
 كى حاضر كى تحرى ومبايعه سنه قالقدق . بالطبع على العجله
 كى تداركى پك چوق محاذيرى ، حتى بيلهرك ، قبوله مجبور
 ايدى جكدى . انكلتزه وفرانسه صاتيلق ماللرى اولماديغنى سو-
 يله ديلر ؛ بو بزم ايچون اهميتلى بر معنائى شاملدى : هر حاله
 يونانه قارشى تفوقىزى و بناء عليه كريد مسئله سنك اهمزه حانى
 ايسته مدكلرينه دلالت ايدىوردى ؛ فقط بزم اهميت ويرمدك .
 هان آلمانيا فرصتدن استفاده ايتدى . تقاعد ايتك اوزره اولدينى
 ايكي اسكى زرهلى يى بزه تسكليف ايتدى ؛ بونلر ۲۰ سنه لك
 خدمت موظفهلرينى اكمل ايتشلردى . بزم دها ايجهلرينى ايسته-
 دكسه ده آلمانيا ويرمديكندن بوچوروك كميلره راضى اولدق .
 بوكميلرك هربرى يونانك آنده كى كميلره فائق اولديغندن
 مسعوديه ايله برابر يونانه قارشى تفوق تأمين ايدى بيله جكلردى .
 اوصيراده آلمان دستكاهلرنده حاضر بولديغمز يكي درت طورپه-
 دو مخربى ده صاتون آلاق يونانك بوجهتدن موجود اولان
 تفوقنى ازاله ايتدك .

هیچ شبهه یوق که مملکت بو اثناده کیلره ویردیکی پاردا یله
بحریه یه بر فدا کارلق یامش اولدی ؛ فقط صرف ایدیلن پاره
ایله تدارک اولونان مواک متناسب دکلدی .

بر میلیون لیرایه تدارک ایدیلن ایکی اسکی زرهللی خرده -
جیلرک ایشنه یارایاجق شیلردی . کرچه اوزمان ایچون یونانک
جسارتی قیرمشدق . بر مدت موقته ایچون حرب تهلهکسنک
اوکی آلمش ایدی ؛ فقط بر میلیون لیرایه موقت بر تدبیر
صاتون آلمشدق . بحریه ده کهنه نك هیچ ایسه یارامادیغنی اولجه
سویله مش ایدک . آلمان کیلرک آنجق کندی عیارلرنده بولونان
کهنه لره قارشلی بر قیمتی وار ایدی . تک بر یکی کمی قارشیسنده
بونلرک ایش کورمه یه جکی بدیهی ایدی . عجبا شو موقت ، یاریم
تدبیرک جدی بر فائده سی وارمی ایدی ؛ عجبا بر قاچ سنه صوکر
ینه عینی مشکلاته دوچار اولمایاجقمی ایدک ؛ بو کیلری چوروکه
چیقارمغه ویکی کمی تدارکنه مجبور اولمایاجقمی ایدک ؛ بر
میلیون لیرایه ایکی اسکی کمی تدارک اولوناجغنه بر یکی کمی
آلهق ده اای اولمازمی ایدی ؛ بزه یکریمی سنه متمادی اای
ایش کورمزمی ایدی ؛ کرچه بو بر میلیون لیرای دفعه تسویه
ایتمه یه رک تقسیط ایله تأدیه ایدجکدک ؛ فقط آلمانانک بو فدا -
کارانی دخی کیلرک قیمتسزلکی حقنده بر فکر ویرمکه کفایت
ایتمزمی ایدی ؟

ایشک دها غریبی : شیمدی بزم شو کهنه کیلر مزه میدان

اوقویان (آوه روف) اوزمان، بر قومیسو نمز طرفدن دست کاهده کوروله رک بکنیلمه مش ایدی؛ فقط براز صو کره یونان بزه قارشی اسکی تفوقنی ادامه ایچون آوه روفی آلدی؛ همان ا کال ایتدیردی و ایچریسنه غایت ایی طویلر قویدیردی . بزدن بلکه اون دفعه کوچوک اولان یونان حکومتناک یاپدینگی، کوستردیکی شو بصیرت و فدا کارلق ایله بزم فدا کارلغمز نسبت ایدیلیرسه بحریه یه نه قدر اهمیت ویردیکمز آ کلاشیلیر .

برکت ویرسون، حکومتدن زیاده ملت بحریه نك قیمتی آ کلا یارق بر دونما جمعیتی تشکیل ایتدی . کرید مسئله سی مناسبتیله حال غلیانه کلن ملت ایچه فدا کارلقده بولوندی؛ پاك چوق اعانه لر ویردی، فقط حکومت بو اعانه لره النی اوزاده رق آلمانیادن آلدینگی کیلرک پاره سنی قسماً بونلرله تسویه ایتدی . کویا حکومت کئی آلمشدی !

ینه بو ائناده حکومت، بحریه یه اهمیت ویریورکی کورونمک ایسته دیکندن مجلس مبعوثانه بش میلیون لیرالق بر بحریه انشاآت پروغرامی ویردی و تخصیصات طلب ایتدی؛ کرچه بو پروغرام قبول و تصدیق اولوندی؛ فقط دونما جمعیتناک وارداتی ده بو بش میلیون لیرا داخلنده حساب اولوندیغندن حکومتناک و مجلس مبعوثانك قبول و تصدیق ایتمش اولدینگی تخصیصاتك اهمیتی قالمادی؛ مسموعاته نظراً آلمانیادن آلمان کیلرده بو تخصیصاته محسوب ایدیش . اکر بوروایت دوغرو

ایسه بش میلیون لیرالق بحریه تخصیصات فوق العاده سندن آنجق بر (رشادیه) یه نائل اولاجغمز تین ایدر .

ایشته بحریه ویریلن اهمیتلرک قسماً ماهیتی . . . بو شرائط تحتند یونانه قارشی تفوق بحری تأمین دأماً سوزده قالدی . دونماضر کچن یونان محاربه سنده ناصل چناق قلعه دن دیشاری چیقامادیسه ، بو دفعه ده ینه عینی حال یأس انکیزده قالدی . بر ایکی دفعه دیشاری چیقارق مأیوسانه چارپیشدی ایسه ده نومیدانه دونمکدن باشقه برشی یاپامادی . ایلک محاربه بحریه ده آوه روفک صیقیشدیر یلماسی امکانی ظهور ایتدی ایسه ده سرعت سیری حسبله چابوق قاچدی .

یونان بالقان حربی ابتداسنده بر فدا کارلق دها ایدهرک حمیدیه دن آز کوچوک بر قرووازور ایله درت سفاوت [*] تدارک ایتدی ؛ بوتدارک ایدیلن کیلرده کاملاً یکی اولدقلرندن یونان دونماسنک اوزون مدت قیمت حربیه سنی غائب ایتمه جکی بدیهیدر . کوچوچک یونانک هیچ اسکی کمی آلماق کبی کوستردیکی بصیرتی بز کوستره مدک . . .

بالقان حربنده یونان تفوق بحرینسک نه ایلیم نتیجه لر حاصل ایتدیکي معلومدر ؛ آطه لرک غائب ایدیله سی ، سوریه ده کی عسکرلر مزدن لایقيله استفاده ایدیله مه سی ، یمنده کی عسکر -

[*] طورپه دو مخربندن دهاجسیم دها بویوک طوبلی عادتاقرووازور کبی طورپه دو سفینه سیدر .

لرهنری اوراده ترك مجبوري تي ، غرب اردوسنك مملكتك
اقسام سائرسيه هر نوع ارتباطي منقطع اولارق كندی باشنه
آج و بيعلاج قالماسی و پريشان اولسی هپ دونمايه اهميت
ویرمه‌مه‌نك نتایج مضره‌سیدر .

سواحلی بو قدر واسع ، اقسامی آراسنده مطلقا موصلات
بحریه‌یه محتاج اولان عثمانلی حکومتی دونماسز یاشایماز . بالخاصه
بوندن صوکره یونانك از میر حوالیسی بر ما کدونیايه بکزه .
تمه‌مسی ایچون یونان دونماسی هر زمان ازیچی مجدد بر عثمانلی
دونماسنه احتیاج شدید واردر . بو دونما روس بحر سیاه
دونماسنده تفوق ایدمیلیرسه استقلال وطنی محافظه ایتمش
اولورز . عکسی تقدیرده امنیتز تهله‌کده‌در . عادی بحریه
بودجه‌سندن ماعدا هر سنه لااقل بشیوز بیك لیرالق انشآت
تخصیصاتی لازمدر . بو تخصیصاتی متادیا ویرمك و منتظم بر
پروغرامه توفیقاً متجانس کیلر ، هر زمان ، هر یرده هر کسه
قارشی ایش کورده‌جك یکی کیلر تدارك ایتك ضروریدر . دونما
جمعیتك وارداتی بو تخصیصاته قاریشیدیر مامالیدر . جمعیتك
وارداتیه موجود پروغرامه علاوه‌لر یاپیلمالیدر .

شیمدی آطه‌لر دگیزنده یرله‌شن بلغارلرکده دونما تدارك
ایده‌جکلری آشکاردر . حتی دفه‌ء اوچ زرهلر سپارش ایتدیکنه
دائر شیوع بولان جوادث بزم ایچون فوق‌العاده شایان دقتدر .
بز بش سنه‌ده بیك دورلو کورولتی ایله آنجق بر رشادیه‌ی

سپارش ایدہ بیلیمش ایکن دها یکی سربست بر دکره صاحب
اولان اوفاقی بر قراللیک اوچ دانه یکنسق کمی سپارش ایتیمی
صوک درجه عبرت آنکیزدر.

شونی ده خاطر دن چیقارمایلم که ، بزم رشادیهیه مقابل
یونانک ده عینی قیمتمده بر زر هلیسی دردست اشادر .

ملتک قصورلری

بالقان حربنده ظاهرأ تورک ، بولغار اردولری حقیقتده
ایکی ملتک مادیت و معنویتلری چارپیشمشدی . عثمانلیلغک
مادیتده کی نواقص بوندن اولکی بحثلرده صورت عمومیهده
کوستریلدیکندن شیمدی معنوی خطالرینی ، ملتک قصورلرینی
خلاصهٔ تدقیق ایدهلم :

بر حربده ، ظن ایدیلمه‌سون که ، یالکیز طوپلر تفنکله
باطلار ؛ انسانلر بر تیاترو صحنه‌سنده کی کبی روللر ایفا ایدرلر ؛
نهایت بر طرف غالب ، دیگر طرف مغلوب اولور . خایر ؛ محاربه
ایدن دائماً ایکی ملتک معنویتی ، روحیدر . طوپلر ، تفنکله او
معنویتلردن ، روحلردن فوران ایدن آتش کین و غیظک
باجالریدر . کوکرده مش آرسلانک دیشلری وطیرناقلریدر . بویله
روحاً ، بوتون معنویتیلله آتش پوسکوردجک درجه‌ده وجد
و غلیانه کلش ملتک ائنده طوپلر ، تفنکله ای ایشلر . . .

بولغار ملتق عصرلردن بری دینی و سیاسی بویوندوروق
آئنده بئلکینی غائب ایتمش ایکن ایللرندن یوکسه‌لن بر قاج
فداکار و پارلاق ناصیه ملتله کندینی طانیتمش ، ماضیسنی

او کره‌تمش، چالیشمق، کندی قوتی او کنده بویون ا کدیرمک،
حقنی هر کسه تسلیم ایتدیرمک ایچون عزم و متانت وفدا کارلق
تلقین ایتمش ایدی. تدریجاً جانلانا ملت، یالکز لفظاً دکل،
فعلاً دخی فدا کارلق ایدن قهرمان پاپاسلرک، شاعرلرک دلائیل
استقلال قازانیور؛ کندیسنه ویریلن طونه ایله بالقانلر آراسنده کی
ساحه‌یی کندی آمالی ایچون پک دار بولارق بالقانلرک او بر
طرفه کچور؛ ونه‌ایت بو دفعه رودوی ده آشارق آطه‌لر
دکزینه قاووشیور؛ اللی سنه اول بر میت متحرک حالده
کندندن بی‌خبر، طوموز چوبانلغندن باشقه برشی بیلیمین بو
ملتک بو کونکی حالی فدا کار شاعرلرینک. ابتدائی مکتب
خواجه‌لرینک، کوی پاپاسلرینک تلقیناتیه وجوده کلشدر.
آنحق ۳۵ سنه‌لک بر ماضیه مالک اولان بو کونکی مادیت
هپ او تلقینات ایله دیریلن، وجود بولان معنویت ایله تأسس
ایتمشدر.

سن زواللی تورک، عصر دیده جاهل... سن نه یاپدک؟
معنویتک نه‌در؟ مفکورده نه ایدی؟ هیچ...
دور استبداده استانبولدن اوزاق اولان محیطلرده
چالیشمق ممکن ایکن نه یاپدک؟ بولغزارلرک کندی کوی
مکتبلرنده، کلیسالرنده یاپدقلری کبی سنکده عصرلق جهل-
لتلرینی کیدیرمک ایچون کوی مکتبلرنده، جاهلرده چالیشمقلرک
وعظ دیکله مکملکک قابل ایکن نه‌یه اویودک؟

۱۰ تموز ۱۳۳۴ انقلابی متعاقب بر قاچ بویوک شهرده کی سیاسی جریانلر، مخالفتلردن باشقه نه کی بر حیات اثری کوستردک؟ مشروطیت آنجق چالیشمق ایچون موجود موانعی ازاله ایدر وهر کسه بو باده سربستیء مساعد بخش ایدر . هانیا سپور جمعیتلرک ؟ . . نشانجی قلوبلرک ؟ . . معارفک ترقیسنی هدف اتخاذایدن مؤسسات خصوصیهک ؟ . . هانیا ملتله جان ، قان بخش ایدن ملی مفکورهلرک ؟ . .

بو تون کنجلیکمز جاهل خواجهلرک ، قالین قفالی ، سرسم واعظلرک محدودیت فکر و ذکالریله اویوشیور ایدی . بو دار قفالر ، اویوشوق و خودلر مسکینلیکدن باشقه بر شی تلقین ایده میوردی . هر هانکی بر موقع مسکونه کیدیلیرسه ، تورکلری ، مسلمان اهالی بی اویوشقلغیله ، مسکینانه یوروشیله ، عطالتیله ، غفلتیله در عقب تفریق ممکندر .

هر شی حکومتدن بکله نمز ؛ حکومتدن هیچ بر معاونت کورمه یین خرستیان اقوامک تیقظندن ، غیرتندن ، متشبثلکندن عبرت آلمق لازمدر . حکومتک خط حرکتی تنقیددن اول هر کس کندی وسی ، طاقی داخلنده بولنوب ایشلری یایمالیدر . اول امرده اومزی دوزله تلم ؛ حکومتدن انتظام مساعی طلب ایتمزدن اول کندی یووالرمزه انتظام صوقالم ؛ چو جو قلمزی تربیه ایدلم ؛ اولره انتظام ، غیرت ، تشبث ، جسارت ، وطنپرورلک تلقین ایدلم .

حکومت وارديو آنجق ملتدن فيض وقوت آير . حکو-
مت وارديو تشکيل ايدنلر افراد ملتک برقسمندن باشقه برشی
دکلدر . شو حالده غيور ملتک غيور براردوسی اولور . ساده
باشقه لرینی مؤاخذه ايله ايش يورومز . هر کس کندي وسی ،
اقتداري داخلنده اولان شيلره تشبث ايدرك مملکته نافع اولمغه
چالیشماليدر ؟ ياخود سسني کسوب بو مملکتده علاقهم يوق
ديهرك برکنارده اوطورماليدر .

دور استبداده اولدینی کي دور مشروطیتده ده هان بوتون
شاعرلر مز عشقده باشقه برشی ترنم ایتمه یورلردی . افکار
ملیه یی تهییج ایدن ، ملی مفکوردرلر تلقین ایدن ، اولاد وطنه
قهرمانلق وفداکارلق القا ایدن منظومه لره هیچ اهمیت ویریله-
یوردی . هر کسده بر غیر تسزلک ، بر عدم تشبث . .

آمال ملیه دائماً مدافعه یه . دفع تجاوزده میال ایدی ؛ هیچ
مغصوباتی استردادده ، غائب ایتدیکمز بوقدر یرلری تکرار
آله کچیرمکه نیت وهوس یوق ایدی .

فرضا بر تورک وازونی [*] چیقوبده روم ایلی شرقینی
استرداد ایچور تورک کنج لرینه جان وقان فح ایده جک هیچ
برشی یازمادی . اعلان مشروطیتدن صو کرا بسته له نن برقچ
وطن شرقیسی بيله مسکننت عجمیه دن کندینی قورتاراماشدر .

[*] وازوف بولغارلرک ملی شاعریدر . ما کدونیا حقنده تهییج
اشعار یازمشدر .

اکثریسی اوقورکن ، دیکلرکن انسانہ جان و روح ویردجکی
یرده اویقو کتیریر ؛ ہپ نالان وخراماندر ؛ ہیچ بری
جوش و خروشه کتیرچی دکلدر .

اولاد وطن دہا آنا قوجاغندہ ایکن قہرمانلق داستانلری
دیکلہ ملی ؛ فلاکتلر مزک انتقامیلہ پروشیاب اولمالی ؛ مکتبلر دہ
خواجہلر دہا کوچو کدن وطنپرور یتیشدیر ملی ؛ تشبث ، جرأت
عزم و متانت کبی خواصی اویاندیر مالی و دائماً تنمہ ایتہ ملی . ابتدائی
معارفی تسہیل و تعمیم ایتہ ملی .

شہہ سز ، بو صورتلہ یتیشمش کنتجلردن مرکب بر اردو
دہا جانلی ، دہا غیرتلی دہا جسور و فداکار اولور .

شوراسی محققدردک ، معارف ابتدائہ سز اردو کوچ یتیشر .
بو کونکی تفنککر ، طویلر اوقوما یازما بیلنلرہ دہا قولای ،
دہا مونسدر . اویلہ انسانلرک آئندہ دہا مؤثر در ؛ حکومت
دارالفنونلرہ ہمت ایدجکی یردہ ابتدائی مکتبلرینی اصلاح و
تکثیر ایتسہ ترقیمزہ دہا زیادہ خدمت ایتمش اولور . دار-
الفنونلر دہ اوقونا جق محدودالمقدار طلبہ یی اوروپاہ گوندروب
اوقو تمق دہ ممکندر . فقط عمومک محتاج اولدینی معارف ابتدائہ
ایچون بوقاعدہ تطبیق اولوناماز . بر زمانلر طوبی آغاجی نظریہ-
سیلہ بوش بوشنہ اویالاندق . دوقتوردن ، شاعر دن ، مهندس دن
اول مکاتب ابتدائہ معلملری ، معلم اردولری بزى احیا ایدہ-
جکدر . برقاج دوقتور ، شاعر ، مهندس طبقہ خواصک

ثروتيله يتيشه بيلير .

هر كويده ، هر قصبه ده معارف ابتدائيه ي ترقى و حمايه
ايچون تشكىل ايده جك مى جمعيتلر اردو و دونما قدر محافظه
وطنه يارديم ايدرلر .

ايشته بز بوتون بو خصوصى جمعيتلردن ، مى تشبثلردن
كاملاً محروم اولارق ياشيورددق . بويله ملتك تشكىل ايده جكي
وردودن خير بلكه نه مز . عصرلردن برى دوچار اولديغمز
فلاكتلرك اسباب حقيقه سنى بوراده آرامق لازمدر .

اسكى عثمانليلرك بز دن دها عالم اولدقلرينه شبهه يوقدر ؛
اوزمانلرك ترقياتنه كورده هر شعبه علم و معرفتده آز چوق
متخصصلرك موجوديتى قابل انكار دكلدر . اودورلرك محصول
مساعيسى اولان جامعلر ، كوپرولر ، مدرسه لر ، سرايلر ،
تزينات معماريه مدنيت قديمه مزك برر برهان جليسيدير . دمير
يولك ، واپورك ، اوطوموبيلك بولونماديني او زمانلرده
۳۰۰,۰۰۰ كيشيك براردوي ادرنه دن قالد يروب (فلبه - صوفيه)
اوزرندن قوصوه اوواسنه سوق ايتك ، عيني مقدارده براردوي
استانبولدن ، داوود پاشا صحراسندن ويانه اوكنه كوتورمك بر
هنردر . بوكون بز غايت محصولدار اولان ادرنه اووالرنده
حصاد موسمندن صوكرا اعظمى ۱۵۰,۰۰۰ كيشيك براردوي
بسليه مدك ، آچلقدن سفيلى ايتك . بوكونكي عسكر مزده
اوزمانكيلىر كي قورو اكمكدن باشقه بر شى ايسته مدى .

بیسکوی ، چای ایله قونسرو و سی اولمادن حرب ایدم دیمدی .
 هر اولو جامعك ياننده كي مدرسه اجدادك علم و معرفته
 نه قدر اهميت ويرديكني كوسترمكده در . مدرسه لر او زمانك
 دارالفنونلري مقامنده ايدي ؛ فقط زمان فوق العاده ترقی
 ايتديكجه بز معارفه اهميت ویرمه مک و اونسبتده سرعتله تدنیه
 باشلادق ؛ بو کونکی حاله کلرک ؛ بناءً علیه محافظه وطن و
 استقلال ایچون معارفک ، بالخاصه معارف ابتدائیه نک اردو
 قدر لازم اولدیکنه قناعت کتیره رک چالیشمق لازمدر ؛ معارف
 ابتدائیه یی تسهیل و تعمیم ایچون هر نه لازمه یایمق ، بو کون
 اردو و دونمائی اصلاح و احیا قدر مهمدر .

علاوة ناشر

کتابخانه انتباهك دردنجیسنی تشکیل ایدن (اسباب هزیمت و فلا کتمز) عنوانلی اثره یازمش اولدیغم مقدمه ده مغلوبیت وهزیمتلمزك وقت صلحه عائد اسبابی بیایدیرمشدم. (نهدن منهزم اولدق؟) اثری ده بواسبابی دها زیاده تفصیل ایلمکده در. بو اثر جککله عمومه واردویه هر وقت قابل تعمیر و اصلاح اولان قنالقلمزی، رخاوت و تسدیمزك ایراث ایتدیکی ضایعات و فجایی کوستره رك او یوشوق ذهنلرده بر انتباه حاصل ایتمک ایستیورز.

ملت انتباهه محتاجدر. بو آلم و فجیع فلا کتلمز بیله حیات اجتماعی و ملیه مزده قوتلی تأثیرلر حاصل ایده مدی. شرائط اجتماعیه مزك بو قدر حسسوز و لاقید بولندیغنی اصلاحلا ظن ایتما مشدم. اخیراً آناطولی، سوریه و مصره وقوع بولان سیاه حتمده فلا کتلمزدن یانوب طوتیشان متالم و متأثر قلبلره پک آز تصادف ایتدم. هان هر طرف صانکه هیچ برشی اولماش کی ساکن و جامد طور ییور. اسلاملرینه اودرین اویقویه دالمشیر. سیلکنمک و اویانمق لزومنی حس ایتیه رك او عصرلق کیف

و استراحتلرینه عودت ایلمیشلر .

بالقان فجایع و مصائبك عواملنی اردو مزك متوالی مغلوبیت و هزیمتلی تولیدایتدیکی وایلك انتباهكده بورادن ظهوری اقتضا ایلدیکی حالده بالعكس اردوینه حربدن اولکی حیاتی یاشامقده در .

آناطولی و سوریهده کی مشاعدا تم مع التأسف يك حزیندر . همان هر طرفده تعلیم و تربیه مهممل ، طهارت و نظافت مفقود . افراد بر حیات رخاوتکارانه تسلیم وجود ایدرك قیشالرنده طابور مرکز لرنده او یوشمغه ، کندیلکندن گوشه مکه محکوم .

تعلیم و تربیه یه مأمور بر خیلی ضابطك ایام مشغله سنی قهوه . خانه لرده اسبقامیل و طاولة ایله کچیردکلرینی ، اکثر امرا مزك ینه او قولتوقلی ضد الیه لرده کاغد حواله لریله مشغول اولدقلرینی کوردرک يك متأثر اولدم .

اردو مزده عسکرلک ، حیات عسکریه یوق . ملازمین مشیره قدر سلسله مراتب عسکریه کچنمک و یاشامق ایچون بر مأموریت ، برواسطه اولمش . مشهوداتم ، عسکرلک بزدده ملیکی مأموریتلر کبی بر مأموریت رسمیه ، ضابطان و امرانك حیاتی ایسه - بعض مستنار دن صرف نظر - مأموریت ملیکی و علمیه حیاتی کبی کچمکده اولدیغنی اثبات ایتشددر .

شبهه سز بونلرده بتون انسانلر کبی یاشامغه ، آیلق و ییللق

ایله تأمین معیشت و سعادت محتاج. فقط ملکی بر دائره نك، بر قلم او طه سنك ارکان و خلفاسی کی بر حیات رسمیه یی تعقیب ایدم بیلیرلرمی ؟

اردوده وظائف یومیۀ رسمیه دن، تأمین اداره و معیشتدن دهاعالی، دهامقدس بروظیفه واردرکه اوده حیات عسکریه در. حربك روحی بو حیات عسکریه ایچنده کومیلیدر. مظفریتلر، شان و شرفلر هپ بو حیاتك درجه قوت و شدتنه تابعدر. بو حیات، حیات عادیه و مسالك سائرده قطعياً یوقددر. بو اوایله بر حیاتدرکه، حب سعی، حب شان و شرفله، اخوت و صمیمیتله یوغوریلهرق؛ وطنك، ملتك، اردونك ناموسنی و وحیشتنی نفسنده جمع ایدرك تأسس ایتمشدر. هر هانکی اردوده اساسلی و سورکلی بر حیات عسکریه یوقسه او اردو عقامته دوچار اولمش؛ حسسز، طویغوسسز، شرفسز بوش بر انسان ییغینندن باشقه برشی دکلددر.

بز، اردو مزده جانلی و روحلی بر حیات عسکریه او یاندر مدقجه، عسکرلکی یاشامق ایچون بر واسطۀ معیشت تلقی ایلدکجه قطعياً یوکسله مه یز.

بر ضابط، وقت حربده محاربه نك جهنمی صفحه لرینه آتیلحق، دشمنك قلیج و سونکی صفلری ایچنده قهر مانانه یوریمك، وقت حضرده افراده یوکسك بر تعلیم و تربیه و یرمك و بو خصوصده هر درلو متاعب جسمانییه قاتلامق ایچون نه کی خواص عالیه و فضائل

بشريه مالک اولمسی اقتضا ايدر ؟


ضابطك وظیفه عسكریه سی او قدر عالی، او قدر مقدس دركه
بو علویت و قدسیت آنجق حیات عسكریه یی احتوا ایدن براردو
ایچنده یاشار .

محافظه دین، وطن، ناموس هر شی بو ضابطه مودو عدر.
حیات عسكریه دیندیکی زمان دینمرك قدسیتی، وطنمرك سلامتی،
ملتكمرك ناموسی هپ بو حیات ایچنده مندمج اولدیغی آكلا شیلیر.
بر اردوده حیات عسكریه اولماز، عسكرك حسی و
طویغولری تأسس ایتمز سه واردونك قیمت و جوهری دائما صفر در.
بز آوروپا عسكرك لکنی قبول ایتمكله برابر، اسکی اردولر-
مرك حیات عسكریه سنی غائب ایله نجه، اردومزه مختلف آمال
و احتراصات کیرنجه، امرا و ضابطانمرك اکثریسی کندیلرینی
بر حیات رخاوتکارانه و لا قیدییه قویو ویرنجه اردومز مغلوبیتدن
مغلوبیتیه اوغرادی. دینمز، ناموس و حیثیتمز تحقیر اولندی.
وطنمرك مسکین دشمنلرك چامورلی چیزمه لری آلتنده
چیکنندی. بیکلرجه دینداش و وطنداش لرمز قویون کی
بوغازلاندی.

بتون بو فلاكتلرك سببی اردوده کی بوزوقلق، حیات
عسكریه ده کی کوشکلکدر. حیات عسکریمی اولان بر اردوده
تربیه روحیه، تربیه فکریه و حسن فداکاری غایت یو کسك و مبذولدر.
ایشته بز اردومزده هر نه وقت بو حیاتی اقامه ایده بیله جك

اولورسہق او وقت استقبالمزدن اُمین اولہ بیلہ جکز . یوقسہ
 آناتولی و سوریه ده کوردیکم کبی اردومزینہ او اُسکی طرز
 اداره و حیاتی یاشارسہ، لاقیدی و تسبیدن قورتیلامازسہ، ایچندہ کی
 معلول و فنا عنصرلری آیینقلا یوب ییکی بر حیاته، بر حیات سعی
 وانتظامہ آتیلمازسہ انسال مستقبلہ نك انظارندہ نہ اُلم مغلویت
 وفلاکت لوحہ لرینک دیکیلہ جکنہ شیمیدن اُمین اولملی یز .

تجارزاده ابراهیم حلمی





3 1761 06981643 7

Hilmi, İbrahim
Balkān harbinde neden
münhezim öldük

DR
587
H5